



元和郡縣圖志卷之十一

河南道七

曹州 濮州 峒州 海州 沂州 萊州



登州

曹州濟陰 開元戶七萬三千一百二十一 鄉一百四十九

禹貢豫州之域於周人為曹國之地後屬於宋左傳哀八年宋景公滅曹按曹國之地後北三十七里濟陰縣界故定陶城是也七國時屬齊宋為楚魏所滅三分其地齊得其濟陰東平漢為濟陰郡之地在濟水之南故以為名景帝中六年別為濟陰國宣帝甘露二年更名定陶哀帝更

為濟陰郡屬兗州後魏於定陶城置西兗州周武帝改西兗州為曹州取曹國為名也大業三年改為濟陰郡隋亂陷賊武德四年平孟海公復為曹州

州境東山二百五十九里
南二百五十九里
西至上都一千五百二十五里
西至東都六百六十五里
西南至汴州二百四十五里

東至兗州三百七十里
東北至鄆州三百三十里
東南至宋川一百五十里
西北至滑州二百里

貢賦 綿 絹 大蛇 葶蘆

管縣六

濟陰 冤句 乘氏 成武 南華 考成

濟陰縣緊下 本漢定陶縣之地屬濟陰郡開皇六年於此

置濟陰縣屬曹皇朝因之

曹南山在縣東二十里詩所謂蒼兮蔚兮南山朝陽是也

汜水在縣南昔漢高祖既定天下即位于汜水之濟張晏曰汜水在濟陰界取其汜受弘大而潤下按今汜水縣東亦有高祖即位擅據叔孫通傳云高祖為皇帝通於定陶就其儀在濟陰是也

荷澤在縣東北九十里故定陶城東北高晉曰導荷澤被

孟諸

州理中城蓋古之陶邱也一名左城帝王世紀舜陶于河

濱即禹貢之陶卽今濟陰西有陶卽是也爾雅曰丹城為陶卽成猶重也定陶故城堯所居也

古曹國在縣東北四十七里堯先居唐後居陶故曰陶唐氏史記曰曹叔振鐸者周武王弟封于曹哀八年宋滅曹執曹伯陽自曹叔至伯陽凡十八葉又范蠡相越平吳後變姓名為陶朱公居於陶號朱公亦此地也

莘仲故城在縣南三十里蓋古之莘國也伊尹耕於莘野湯聞賢聘以為相卽此地也

三駮亭古國也在縣東北四十九里湯伐桀遂伐三駮俘厥寶玉注曰三駮國名今定陶是也

冤句縣縣東至州四十七里本漢舊縣也漢初屬梁國景帝時屬濟陰卽開皇三年罷卽以縣屬曹州

煮棗故城在縣西北四十里漢書樊噲攻煮棗屠之是也

濟陽故城在縣西南五十里漢濟陽縣也光武以建平元年生於濟陽縣明照一室是歲有嘉禾生一莖九穗大千凡禾因名秀光武皇考為濟陽令

袁本初故城在縣北七十里袁紹所築

乘氏縣縣南至州五十四里本漢舊縣也屬濟陰卽開皇三年罷卽

以縣屬曹州大業末年廢武德四年重置

孟海公南北二城在縣東四十五里隋末賊帥孟海公所

築

成武縣

縣 西至州一百里

本漢舊縣也屬山陽郡後漢改屬濟陰

郡隋於此置戴州成武縣屬焉大業二年省戴州縣移理州城中復屬曹州武德五年於金鄉縣重置戴州縣又屬焉貞觀十七年廢戴州縣又屬曹州

故杞城在縣西北二十九里昭帝封金曰碑為杞侯

南華縣上東南至州一百二十里本縣離狐縣也屬東郡舊傳所置縣

在濮水南常為神狐所穿穴遂移城濮水北故曰離狐後漢為濟陰郡魏志李興徙太祖遷離狐太守然則魏時離狐郡也晉屬濟陰郡開皇三年罷郡縣屬曹州天寶元年

改曰南華英公李勣左僕射彭城郡公劉晏皆此縣人

濮水在縣南五里昔殷紂使師延作靡之樂武王伐紂師延至投濮水而死謂此水也

考城縣

縣 西南至州九十五里

古戴國也春秋隱十年宋人衛

人伐戴後屬宋楚滅宋改名曰穀漢以為菑縣國都城記

曰縣西南有戴水今名戴陵周回可百餘里蓋本戴國取

此阪水為名也漢之興也其邑多菑年數不登故邑曰菑

孝章柴于岱宗過菑縣詔御史曰陳留菑縣其稱不令故

高祖鄙桓人之名武帝休聞喜而顯獲嘉祥耳改菑縣為

考城縣至晉屬濟陰郡高齊天保七年省考城縣仍移城

安縣理此開皇十六年改名考城縣屬宋州武德五年改屬曹州

蔡邱在縣東南一百五十步左傳齊桓公會諸侯于蔡邱是也

大剗陂則戴陂也在縣西南四十五里周回八十七里與

宋州襄邑縣中分為界

濮州濮陽開元戶四萬六千九百二十一鄉九百十三

禹貢兗州之域春秋特為衛國地左傳齊桓公會諸侯于鄆注曰鄆衛地今東郡鄆城縣也戰國時屬齊在漢為濟陰郡之鄆城也後漢獻帝于此城置兗州晉置濮陽郡後

改濮陽國封王子充為王後為郡開皇十六年於此置濮州大業三年廢濮州大業平郡隋末陷于寇賊武德四年討平王充于此重置濮州

州境東北二百三十五里西南一百三十五里西南至上都一千六百五十五里西南至東都七百九十五里東北至鄆州一百七十里南至曹州二百十里北至黃河二十里西南至滑州二百十五里

貢賦開元賦絹二十疋綿絹

管縣五

郵城 雷澤 臨濮 濮陽 范縣

郵城縣縣下本漢舊縣屬濟陰郡開皇十六年於此置濮州郵城縣屬焉大業三年廢濮州縣屬東平郡武德四年重置濮州

黃河北去縣二十一里

州理城在故郵城中魏文帝以臨淄侯植為郵城侯

雷澤縣州上西北至本漢成陽縣古成伯國周武王封弟季

載于成漢以為縣屬濟陰郡開皇六年於此置雷澤縣因

縣北雷夏澤為名也屬濮州

歷山在縣西北十六里史記曰舜耕歷山耕者讓畔

灘沮二源俱出縣西北平地去縣十四里

雷夏澤在縣北郭外灘沮二水會同此澤

姚墟在縣東十三里舜生于姚墟

堯母廟在縣西南四里

堯陵在縣西三里自堯即位至永嘉三年二千七百二十

一年記于碑貞觀十一年有詔禁人芻牧春秋奠酌

臨濮縣州上北至本漢成陽縣地屬山陽縣開皇十六年

分郵城南界雷澤西界置臨濮縣置濮州南臨濮水故以

為名大業二年廢武德四年重置

清邱在縣西三十五里

濮陽縣州上東至本漢舊縣也古昆吾國即帝邱顓頊之

墟也昆吾即夏諸侯為五伯之首左傳曰狄滅衛遷于帝

邱衛侯自楚邱徙濮陽縣秦置東郡理此漢仍為東郡及
濮陽縣也開皇十六年改屬濮州

黃河北去縣十五里

瓠子河上承黃河漢書武帝時河決瓠子東南注鉅野通
於淮泗上使汲黯鄭當時興人徒塞之堤復壞是時武安
侯田蚡奉邑食餼在河北河決而南則餼無水災乃言江
西之決乃天事也非易以人力塞之乃不復塞後二十餘
歲比不登梁楚尤甚上使汲人郭昌率卒數萬人塞瓠
子決河流白馬王璧自將軍以下皆負薪下淇園之竹以
為健上悼功之不成乃作歌於是卒塞瓠子築宮于其上

名曰宣房其後王尊為東郡太守河水盛溢泛浸瓠子金
堤尊躬率佐吏沉白馬刻水神親執玉璧請神尊立不動
而水漸退

范縣上西南至州六十里本漢舊縣屬東郡春秋時晉大夫士會之
邑也高齊廢開皇十六年又置范縣屬濟州十六年改屬

濮州

故頡頏城在縣東二十八里夏之頡頏國也詩曰韋頡既伐昆
吾夏桀注曰三國黨于桀皆為湯所誅

密州高密中

禹貢青州之域兼得徐之地今州界于春秋之時為莒魯

之地戰國時屬齊秦并天下屬瑯琊郡漢高帝十六年分齊立膠西國都高密宣帝更名高密國後魏永安二年分青州立膠州取膠水為名也開皇五年改膠州為密州取境之密水為名也隋亂陷賊武德五年山東底定改置密

州

州境東三百十六里

八到南三百九十里西至上都二千七百四十五里西至東都一千八百八十五里

南至海川三百八十四里西南至沂三百七十里西北至青州三百三十里東北至萊州三百四十五里東至大海一百六十里

貢賦開元

賦貢

細布

牛黃

海蛤

管縣四

諸城

高密

輔唐

莒縣

諸城縣

上本

漢東武縣也屬瑯琊郡樂府章所謂東武吟

者也後漢屬瑯琊國晉屬東莞郡後魏屬高密郡隋開皇

十八年改東武為諸城縣取縣西三十里漢故諸縣城為名

瑯琊山在縣東南百四十里史記曰始皇二十六年滅齊

遂登瑯琊作層臺于山上謂之瑯琊臺周回二十里秦皇

樂之因留三日徙黔首二萬戶于山下復十二年刊石立

碑紀秦功德海在縣東一百五十里

盧水出縣東南廬山側有勝大木野火燒死其炭不灰故
東方朔有謂不灰之木者也

縣理東南一百三十里濱海有肉澤九所煮鹽今古多收
其利

濰州故堰在縣東北四十六里苗以為塘方二十餘里溉水

田萬頃

高密縣

上西南至州百二十里本漢舊縣也文帝十六年分齊立膠

西國封齊悼惠王子卬為膠西王都高密世祖封鄧禹為

高密侯高齊文宣帝省高密縣開皇中復置屬密州

海在縣東南六十里

濰水在縣西南自諸城縣界流入去縣四十里昔韓信與

楚將龍且夾濰水而陣信為萬餘囊盛沙過水引軍擊之

信佯退且追比信決水且軍半不得渡遂斬龍且

膠水在縣東三十里

夷安澤在縣北二十里周圍四十里多麋鹿蒲葦

龍且城在縣西南五十五里楚將龍且所築也

鄭元墓在縣西七十里

輔唐縣

上東南至州一百二十里

本漢安丘縣也屬北海郡後漢為北

海郡有渠卬亭故莒渠卬公所居也高齊文帝天寶七年

省隋分昌安縣置牟山縣大業二年改牟山縣為安丘縣

取漢書舊名也屬密州乾元二年改為輔唐縣
牟山在縣西南十三里牟山縣取名于此

涪水堰三齋記曰昔者堰涪水南入荆水灌田數萬頃今
尚有餘堰而稱曰畦畛存焉

莒縣

上東北至州一百九十里

故莒子國也漢為莒縣文帝二年封朱

虛侯章為城陽王都莒後魏亦以莒縣屬東莞郡開皇三

年廢郡莒縣莒州大業二年罷莒州以莒縣屬琅琊郡

武德五年重置莒州縣屬焉貞觀八年廢莒州以縣屬密

州

濰山在縣東北八十三里濰水所出也

縣理在莒國故城中城三里並皆崇峻惟南開一門

子城方十二里郭周圍四十里

故魯公城在縣南七十二里昔魏太祖征陶謙拔五城略

地東海于此築城周圍四里

漢海曲縣在縣東一百六十里屬琅琊郡有鹽官地有東

呂鄉東呂里大公望所出也王莽末海曲縣有呂母者其

子為縣令枉殺乃散財以拯少年少年感母恩問母所欲

具言之乃共起兵殺縣令其後屯結至數萬赤眉之興由

此始也今東海縣有呂母國即舊集之所也

海州

東海上

開元戶二萬三千七百二十八

鄉四十

禹貢徐州之域春秋時魯國之東鄙七國時屬楚秦置三十六郡以魯為薛郡後分薛郡為郟郡漢改郟為東海郡領三十七縣理在郟縣屬徐州後漢以為東海國封皇子疆為王晉惠帝封高密王于楚蓋東海王梁武帝末長江已北志附後魏武定七年改自蕪三州為海州高齊文宣帝移海州理郟郡改郟郡為朐山郡隋末表亂城君桓竊據之武德四年唐相以郡歸順改為海州

州境

東西一百九十八里
南北一百九十八里
東南至楚州四百十里
西南至泗州連水縣取官河水路三百四十里陸路二百五十里

貢賦

西北至沂州二百三十里
西至徐州取下邳路五百六十里
北至密州三百八十四里
東至海二十里
開元貢賦
楚布
絹綿

管轄四

朐山 東海 沐陽 懷仁

朐山縣軀下本漢朐山縣也屬東海郡後周武帝建德六年改朐山縣為朐山郡取界內朐山為名也開皇三年廢郡屬海州

羽山在縣西北一百里書曰殪鯀于羽山即此也
碩葭湖在縣南一百四十二里

龍且故城在縣南六十里

鍾離昧故城在縣南一百里項羽將鍾離昧所築昧即此縣人

東海縣上西至州水本漢贛榆縣地俗謂之鬱州亦謂之

曰橫島宋明帝失淮北地乃于鬱州上橋立青州地後入

魏改青州為海州又于此置臨海鎮高齊廢臨海鎮周

武帝復置東海縣後遂因之

小高山在縣北六十里田橫弟避漢所居之山也其山三

面絕壁皆百餘仞惟東向一道劣容行人

大海在縣東二十八里

贛榆故城在縣北四十九里隋末土人臧君栢築

田橫國在縣北五十七里齊王田廣既死田橫乃代立為

王與淮嬰戰于贏下橫敗走與其屬五百人入居海島即

此也

沐陽縣中東北至州本漢厚邱縣地文帝元嘉四年於此

置縣屬南彭城郡至太清二年地入魏孝帝改為沐陽郡

在沐水之陽故以為名仍於郡東置懷文縣周武帝改懷

文縣為沐陽縣

沐水西自下邳縣界流入經縣南十步

碩蕩湖在縣東八十里與朐山連水三分湖為界

懷仁縣中東南至本漢贛榆縣地梁于此置北海郡後魏

改置義唐郡開皇初廢郡移懷仁縣理於此改屬海州
贛郡故城一名鹽倉城在縣東北三十里漢縣也屬瑯琊

郡

沂州

瑯琊

開元戶二萬七千四百

鄉五十五

禹貢徐州之域春秋時為齊地秦并天下置瑯琊郡因瑯
琊山以為名也漢因之高后立營陵侯劉澤為瑯琊王又
帝元年徙澤為燕王以瑯琊為郡晉武帝咸寧二年改封
東海王睿為王即帝位于江東是為東晉元帝于郡城
置發千戍以南軍鎮之自永嘉之後瑯琊陷于胡寇
成帝于丹陽江乘縣界別立南瑯琊郡至宋武得河南尋

又沒于後魏莊帝置北徐州瑯琊郡屬焉周武帝改北齊
州置沂州以州城東臨沂水因以名之大業十三年亂離
郡為徐圓朗所破武德四年討平圓朗復置沂州

州境
東至西三百二十一里
南至北四百二十九里
西至上都二千二百七十五里
東至東都一千四百一十五里
西至東海州二百二十里
東至兗州三百八十里
西至青州四百七十里
東至徐州四百七十里
西至密州三百七十里
西北至淄州五百三十里

貢賦
開元
賦
貢
紫石英
黃銀
絹

管縣五

臨沂 沂水 費縣 承縣 新泰

臨沂縣上本漢舊縣也屬東海郡東臨沂水故名之後漢改屬瑯琊國晉屬瑯琊郡高齊省開皇末復置屬沂州

沂水在縣東一里

王僧辯城在縣東北五十里梁將王僧辯屯兵于此

王導故宅在縣東北三十八里

沂水縣上南至本漢東莞縣即春秋莒魯所爭之鄆邑

也陽城姑幕縣南有員亭即鄆也俗變其字耳後魏孝文

帝于此置新泰縣開皇四年改為東安縣十六年又于古

蓋坊別置東安縣而此改名沂水縣

沂山在縣北一百二十四里周禮青州其鎮沂山

穆陵山在縣北一百九十里管仲曰賜我先君履南至於

穆陵是也

大峴山在縣北九十里宋高祖北伐慕容超大將公孫五

樓說超曰吳兵輕銳難以爭鋒宜斷大峴使不得入上策

也超曰引師過峴我以鐵騎蹙之此成擒身不從宋高祖

兵遂得入初是役也或曰若嚴守大峴軍無所資何能自

返高祖曰鮮卑性貪且愛其穀必將引我兵一入大峴我

何患焉及師過大峴高祖喜曰天贊我也遂大破之五緡

之從征記曰大峴去半城八十里直度山二十五里崖坂峭曲石徑幽危四岳三塗不是過也

電山在縣西北二十八里出紫石英好者表裏映徹形若電狀故名電山今猶八頁

成平公營在縣一百五十六里周武帝拔鄆城齊王高緯先送其母妻于青州是日緯率千騎走青州周遣大將軍

成平公尉遲勤率二千騎追之擒緯於青州南之雙溝周因拔之以青州總管立碑紀功

費縣上東南至古費國也隱元年傅曰費伯帥師成即後為魯季氏之邑至漢為費縣屬東海郡自宋至隋皆屬

瑯琊郡大業末為賊潘當所破武德四年重置屬沂州

蒙山在縣西北八十里楚老萊子所耕之處

東蒙山縣西北七十五里論語曰今夫顯史昔者先王以為東蒙主

南城縣城在縣南九十里史記齊威王使檀子守南城則楚人不敢為寇是也

承縣上東北至州本漢之承縣春秋時鄆國也屬東海郡開皇三年罷郡承縣屬徐州大業十三年縣為山賊左

君衡所破武德四年又於此置鄆州又改蘭陵縣為承縣貞觀八年廢鄆州縣屬沂州縣西北有承水因以為名

抱犢山在縣北六十里壁立千仞頂寬而有水此山去海三百餘里天氣澄明宛然在目昔有遁隱者抱一犢于其上墾種故以為名山高九里周回四十五里

蘭陵縣城在縣東六十里史記曰荀卿以儒者適楚春申君以為蘭陵令因家焉

縣界有陂十三所並貞觀元年以來修立以溉田焉

新泰縣 上 東南至州 二百六十三里 春秋時魯平陽邑也宣八年城平

陽晉武帝太始中鎮南將軍苻此縣人也表改為新

泰縣屬泰山郡隋開皇四年屬莒州大業二年廢莒州以

縣屬沂州

蒙山在縣東南八十八里書曰蒙羽其藝

障山在縣東八十里出銷石石睦炬火等石居人常採為

貨

萊州 東萊 開元戶二萬三千一百五

鄉四十三

禹貢青州之域即古萊子國也齊滅之遷萊子於郟在齊

國之東故曰東萊漢高帝四年韓信虜齊王廣分齊郡置

東萊郡領縣十七理掖縣屬青州後魏獻文帝分青州置

光州取界內光水為名開皇二年改光州為萊州 年陷

賊武德四年討平暴順復為萊州

州境 東西四百二十八里 南北二百四十一里

八到 西南至上都二千七百六十里

西南至東都一千九百里

東北至澄州二百四十里

正南微西至密州三百四十五里

北至大海五十里

西南至青州三百四十五里

貢賦 開元 賦 絹 黃銀 文蛤 牛黃 滑石器

管縣四 掖縣 即墨 昌陽 膠水

掖縣 郭上本漢舊縣也屬東萊郡按掖水出縣南三十里寒

同山故縣取為名開皇三年罷郡屬萊州

萬里沙在縣東北三十里郊祀志武帝元封元年大旱禱

萬里沙

浮游島在縣西北四十里遙望島在海中若浮游然故名

海水在縣北五十二里

膠水西去縣七十五里

海神祠在縣西北十七里

即墨縣 中 西北至州 本漢舊縣屬膠東國城臨墨水故

曰即墨高齊文宣帝併入膠水縣開皇末又於此置即墨

縣屬萊州 大勞山小勞山在縣東南三十八里晏謨齊記曰太白自

言高不如東海勞者鄭康成領徒於此 壯武故城在縣西六十里晉封張華為壯武侯

海在縣東四十三里又在縣南百里

昌陽縣上西北至州本漢舊縣也屬東萊郡置在昌水

之陽故名曰昌陽有鹽官開皇二年罷郡昌陽郡屬萊州

黃銀坑在縣東一百四十里開皇十八年年州刺史辛公義

於此坑冶鑄得黃銀獻之大業末貞觀初更沙汰得之

奚養澤在縣西北四十里職方氏幽州其澤藪曰奚養

膠水縣中北至本漢膠東國之地後漢省膠東國為膠

東縣屬北海國後魏屬北海郡開皇三年罷郡屬萊州仁

壽元年改為膠水縣

即墨故城在縣東南六十里古東齊之地史記燕秦曰齊

東有瑯琊即墨之饒此其處也齊湣王時燕將樂毅伐齊

下七十餘城唯即墨不下田單設奇策破燕軍迎襄王

於莒盡復齊地封單為安平君漢書曰漢元年項羽徙齊

王田市于即墨為膠東王田榮怒殺田市于即墨自立為王

遂并三齊之地漢膠東郡領八縣理即墨即此城也

平度故城在縣西北六十七里城西北有土山古今煮鹽

處

淄州上淄州開元戶三萬七千四百四 鄉七十一

禹貢青州之域周之九州為幽州之境職方氏幽

淄澗州蓋取淄水為名也春秋及戰國時屬齊秦為齊郡

之地在漢為濟南郡之般陽縣也開皇十六年于今理改

置淄州隋亂陷賊武德元年重置淄州

州境東西一百一十五里

八到西南至上都一千二百九十五里

西南至東都一千四百三十五里

東至青州一百二十里

西北至交州三百七十里

北渡河至棗州二百十里

東南至沂州五里

貢賦開元賦貢防風

綿緇理石米粟

淄川縣屬淄州

管縣五淄川長山鄒平濟陽高苑

淄川縣上本漢般陽縣也屬濟南在般水之陽故名後

漢屬齊國晉省宋于此置貝邱縣開皇十八年改貝邱為

淄川縣屬淄州

淄水出縣理東南原山去縣六十里俗傳禹理水功畢上

石墨數里之中波流若漆故謂之淄水

長山縣上東南至本漢於陵縣地也宋武帝于此立武

強縣開皇十八年改武強為長山縣取長白山為名屬淄

州武德元年置鄒州縣又屬焉八年廢鄒州依舊淄州

長白山在縣西南四十里

濟水西北去縣三十五里

鄒平縣上東南至州本漢舊縣也屬濟南郡開皇三年自

梁鄒城移平原縣入鄒平城屬齊州今理是也十六年改

屬淄州十八年改平原縣為鄒平縣復舊名也

黃河西北去縣八十里

濟水南去縣三十五里

濟陽縣上東南至本漢梁郟縣也屬濟南郡隋又于後

漢梁郟城地置濟南縣大業二年省景龍元年於漢梁郟

城置濟陽縣屬淄州

八會津在縣南一里相傳水陸所湊其路有八故名

濟水在縣南又東北入高苑縣界

高苑縣上南至州本漢舊縣也屬千乘國後漢屬安樂

國宋于此置長樂縣屬渤海郡十八年改為會城縣大業

三年改為高苑縣取縣東南高苑故城為名隋末陷賊武

德九年重置高苑縣屬淄州十八年廢淄州縣屬淄州

濟水北去縣七十步

千乘故城在縣北二十五里漢千乘國也

登州東開元戶一萬八千五百三十三鄉三十六

尚貢青州之域古萊子之國春秋齊侯滅萊至漢為東萊

郡之地後魏孝靜帝命東萊於黃縣東一百步中即故城

置東萊郡高齊廢開皇三年改置牟州大業三年廢武德

初又置因文登縣人不從賊黨遂于縣理置登州

州境東西五百六十里

八到西南至上都三千里

西南至東都二千一百四十里

北至海三里
西至海四里當中國往新羅渤海道大路
正北微東至大海北岸郡里鎮五百二十里
東至文登縣界大海四百九十里
東南至大海四百六十里
南至萊州昌陽縣二百里
南至大海六十里
貢賦開元
賦
麻布
水苾席

管縣四
文登
黃縣

蓬萊
牟平

蓬萊縣中下本漢黃縣之地屬東萊縣郡昔漢武帝于此望蓬萊山因築城以蓬萊為名在黃縣東北五十里貞觀八年于此置蓬萊鎮神龍三年祈黃縣置蓬萊縣在鎮南一里即今登州所理是也

牟平縣中西至本漢縣也屬東萊郡有鐵官監官在牟山之陽其地夷坦故曰牟平漢書齊悼惠王子將閭為牟平侯後屬萊州武德四年于中即城置牟州牟平縣屬焉貞觀元年牟州及縣俱廢麟德二年析文登縣于此重置牟平縣屬登州
文登縣上西北至州本漢牟平縣也屬東萊郡高齊後帝分牟平置文登縣屬長廣郡取縣界文登山為名開皇三年廢長廣郡文登縣屬萊州武德元年改屬登州之果山在縣西北一百九十里史記曰秦始皇二十九年登之果刊石紀功封禪書曰齊有八祠之果為陽主

成山在縣東北一百八十里史記曰始皇二十九年又東遊
登成山升之杲勒石紀功郊祀志曰齊有八祠成山為日

主封禪書曰七日日主祠成山

文登山在縣西北九十里

海在縣南六十里縣東一百八十里三面俱至于海縣東

北海中有秦始皇石橋今海中時有堅石似柱之狀

東牟故城在縣西北一百十里漢高后二年封齊悼惠王

子興居為侯

不夜故城在縣東北八十五里屬東萊郡春秋時萊子所

置初築此城有日夜出故名之

黃縣中東北至本漢舊縣屬東萊郡開皇十三年罷郡屬

萊州武德四年屬牟州神龍三年置登州黃縣割屬焉漢

書曰秦欲攻匈奴運糧使天下飛芻輓粟起于黃睡瑯琊

負海之郡轉輸北河率三十鍾而致一石黃即今黃縣睡

東萊郡睡且瑞又北河朔方已北六斛四斗曰

鍾計道路所費凡百九十二斛乃致粟一石

萊山在縣東南二十里封禪書曰齊之八祠六日月主祠

之萊山

故黃城在縣東南二十五里古萊子之國春秋傳曰齊侯

滅萊杜註曰今萊黃縣是也

大人故城在縣北二十里司馬宣王伐遼東造此城運糧

船從此入今新羅百濟往還常由于此
蓬萊鎮在縣東北五十里
海瀆祠在縣北二十四里大人城上

元和郡縣圖志卷之十一終

元和郡縣圖志卷第十二

河東道一

河中府

河東郡

開元戶七萬二千七百
元和戶一萬九千六百

鄉六十五

今為河中節度使理所

管州五

河中府

絳州

晉州

慈州

隰州

管縣三十七

都管戶四萬一千三百六十五

禹貢冀州之域按今州本帝舜所都蒲坂也春秋時為魏
耿揚芮之地左傳曰晉獻公滅魏以賜畢萬服虔注曰魏
在晉之蒲坂畢萬之後十代文公列為諸侯至惠王僭
號稱王至王假為秦所滅今州即秦河東郡地也漢元年

項羽封魏豹為西魏王王河東都平陽二年豹降從漢王
在滎陽請歸侍親疾至則絕河津反為楚盡有太原上黨
地九月韓信虜豹定魏地置河東上黨太原郡文帝時李
布為河東守文帝謂曰河東吾股肱郡故特名君耳後魏
太武帝於今州理置雍州延和元年改雍州為秦州周明
帝改秦州為蒲州因蒲坂以為名大業三年罷州又置河
東郡隋將屈突通守河東高祖師次桑泉縣通出守潼關
乃今鷹揚即將堯君素王行本留鎮郡城遂於今桑泉縣
置河東郡武德元年罷郡置蒲州其年堯君素為城人薛
宋李楚客所殺王行本仍堅守不賓二年置蒲州總管三

年行本歸化自桑泉移蒲州於今理九年廢總管置都督
府復為州開元元年五月故為河中府仍置中都麗王殿
學士韓瑒上疏陳其不可至六月詔停後為州乾元三年
又改為河中府大歷中元載為相又上建中都議曰自古
建大功者未嘗不用天因地故高祖保關中光武據河內
皆深根固本以制天下臣等考天地之心本聖人之意驗
古往之事切當今之務則莫若建河中為中都 陝虢晉
絳汾潞儀石慈隰等十城為藩衛長安去中都三百里順
流而東邑居相望有羊腸底柱之險羊腸在潞州壺關
縣東南一百六里濁
河孟門之限孟門在德州文城縣西南
三十六里即龍門上口以輶轅為襟帶與

閔中為表裏劉敬所謂扼天下之亢而撫其背即此之謂
 推是而言則建中都將欲固長安非欲外之也將欲安成
 周非欲捨之也將欲置蠻夷非欲懼之也將欲定天下非
 欲弱之也河中之地左右王都黃河北來太華南倚總水
 陸之形勝鬱關河之氣色每歲白露既降涼風已高陛下
 處金城湯池內綏華夏登信臣駘將外馭戎狄出於仲秋
 還於農隙有漕濁泛舟之便無登高履險之虞不傷財不
 害人得養威而時猶如此則國有保安之所家無係虜之
 憂矣疏奏不省初代宗自幸陝之後每歲八九月間京師
 恟恟常懼大戎復至將相之家皆裝儲糗為行李之備載

知人情不安遂獻此疏異因制置竊有兵權議亦宏博盡
 當時利害然代宗採見載意議故不行或曰建中都江融
 設固險之首篇也融誅後書已不傳不知斯言何自而得

府境東西二百五里
 南北一百七十七里

八到
 西南至上都三百二十里
 東至東都五百八十五里

東北至絳州取桐鄉路二百六十里
 東南至陝州二百四十五里

西至同州六十七里
 東南至虢州一百八十三里

西南至華州一百九十里
 貢賦 開元 賦 貢 麥 趙 扇 竹 扇 漆 匣 乾 棗 鳳 栖 梨 龍 膏

管縣八

河東 河西 臨晉 猗氏 虞鄉 寶鼎 解縣 永樂

河東縣次赤郭下本漢蒲坂縣地也屬河東郡開皇三年罷郡縣仍屬蒲州十六年移蒲坂縣於城東仍於今理別置河

東縣大業二年省蒲坂縣入河東縣

雷首山一名中條山在縣南十五里

風陵堆山在縣南五十五里與潼關相對

長原一名蒲坂在縣東二里其原出龍骨

河北自桑泉縣界流入

媯汭水源出縣南雷首山尚書曰釐降二女于媯汭州城

即蒲坂城也城中有舜廟城外有舜宅及二妃壇

故陶城在縣北四十里尚書大傳曰舜陶于河濱

故堯城在縣南二十八里

蒲坂關一名蒲津關在縣西四里魏志曰太祖西征馬超韓

遂夜渡蒲津門即謂此也今造舟為梁其制甚盛每歲徵

竹索價為之橋脚錢數至二萬亦關河之巨防焉

風陵故關一名風陵津在縣南五十里魏太祖西征韓遂

自潼關北渡即其處也

舜祠在州理舜城中貞觀十一年詔致祭以時灑掃

伯夷墓在縣南三十五里雷首山南貞觀十一年詔致祭

禁樵蕪

河西縣次赤郭下本朝邑縣東地乾元三年因置河中府割朝

邑縣置

臨晉縣漢畿西南至府七十四里本漢舊縣地也後魏改為北解縣開

皇十六年分猗氏縣於今理置桑泉縣因縣東桑泉故城

以為名也天寶十二年改為臨晉

河水經縣西四十里

涑水在縣東二十三里

故解城本春秋時解梁城又為漢解縣城也在縣東南十

八里晉惠公許賂秦伯以河外列城五東盡魏略內及解

梁城

桑泉故城在縣東十三里左傳曰重耳圍令狐入桑泉謂此也

故司空魏國裴寂墓在縣東北十七里

猗氏縣次畿西南至府一百一十里本漢舊縣即猗頻之所居也東魏

恭帝二年改猗氏為桑泉縣周明帝復改桑泉為猗氏縣

屬汾陰郡開皇三年罷郡屬蒲州

涑水經縣南六里

故郟邑在縣西南四里左傳曰晉侯謀去故絳欲居郟瑕

氏之地韓獻子曰郟瑕氏土薄水淺不如新田遂遷新田

即平陽絳邑縣也

虞鄉縣次畿西至府七十里本漢解縣地也後魏孝文帝改置南解

縣屬河東郡周明帝武成二年廢南解縣別置絳化縣武

帝改綏化為虞鄉縣

壇道山一名百梯山在縣西南十一里山高萬仞躋攀者百梯方可升降故曰百梯山南有穴莫測淺深每有勅使投金龍于此兼醮焉

王官故城在縣南二里左傳曰秦伯涉河焚舟取王官

五老仙人祠在縣西十七里

寶鼎縣次畿南至府一百一十里本漢汾陰也屬東河郡劉元海時

廢汾陰縣入蒲坂縣後魏孝文帝復置汾陰縣開元十一年改寶鼎縣

黃河在縣北十一里趙簡子沉侯臣棠激之所也

汾水北去縣二十五里

后王祠在縣西北十一里

殷湯陵在縣北四十三里

解縣次畿東北至府四十三里本漢舊縣也屬河東郡大業二年省解縣

九年自綏化故城移虞鄉縣於廢解縣理即今縣理是也

武德元年改虞鄉縣為解縣屬虞州因漢舊名也仍於蒲

州界別置虞鄉縣貞觀十七年發虞州解縣屬河中府

中條山在縣南二十里

鹽地在縣東十里

女鹽池在縣西北三里東西二十三里南北二十里鹽味

小若不及縣東火池鹽俗言北池亢旱鹽即凝結如逢霖
雨鹽則不生今大池與安邑縣池總謂之兩池官置使以
領之每歲收利約一百六十万貫

熨斗陂在東北二十二里

通路自縣東南踰中條山出白徑起陝州之道也山嶺參天

左右壁立間不容軌謂之石門路出其中名之白徑嶺焉

永樂縣次畿北至府九十里本漢河北縣地周明帝改河北縣為永

樂縣武帝省永樂縣以地屬芮城縣武德二年分芮城於

縣東北二里永固堡重置永樂屬芮州七年移於今理貞

觀八年改屬

中條山在縣北二十里

河水經縣南二里

永樂澗水原出條山經縣東二里又南入河

五老山在縣東北十三里堯化首山觀河渚有五老人飛

為流星上入昴因號崑崙山為五老山

絳州緝郡元初戶一萬一千二百七十八 鄉一百七十六

禹貢冀州之域春秋時禹晉左傳曰晉人謀去故絳欲居

郇瑕氏之地韓獻子曰郇瑕氏土薄水淺不如新田遂遷

新田注曰新田今平陽絳邑縣是也三卿滅晉其地屬魏

戰國時亦為魏地秦為河東郡地今州即漢河東郡之臨

汾縣地也魏正始八年分河東汾北平置平陽郡為平陽郡地後魏孝武帝於今理西南二十里正平縣界栢壁置東雍州及正平郡其地屬焉孝文帝廢東雍州東魏靜帝復置周明帝武成二年改東雍州為絳州大業三年廢州為絳郡初義師將西入關大將軍進次古堆去絳郡十餘里通守陳叔達堅守不下高祖命厨人曰明日早下絳城然後食乃引兵攻城自旦及辰破之仍置絳郡武德元年罷郡置絳州總管三年復為絳州

州境

東至三百六十五里
西至三百三十三里
南至上都五百九十里
八到東南至東都取恒縣王屋路四百八十里

東北至晉州一百四十里
東至澤州四百四十里
南至陝州二百四十里
西北至慈州二百四十里
貢賦 關元 賦 梨 絹 防風 貨布

管縣九

正平 太平 萬泉 曲沃 翼城

聞喜 絳縣 稷山 龍門

正平縣望下本漢臨汾縣地屬河東郡開皇三年罷郡改屬

絳州十八年改臨汾縣為正平縣因正平故郡城為名也

汾水東北自曲沃縣界流入

澮水東自曲沃縣流入

栢壁在縣西南二十里後魏明帝元年於此置栢壁鎮太武帝廢鎮置東雍州及正平郡周武帝於此改置絳州建德六年又自此移絳州於今稷山縣西南二十里玉壁按栢壁高二丈五尺周迴八里

晉鹿初宮在縣南六里左傳曰石言於晉魏榆師曠曰石不能言或憑焉抑又聞之作事不時怨讟動於人則有非言之物而言於是晉侯方築鹿初之宮今按宮南有澮水北有汾水俱西流王宮西而合隋末依宮餘趾築堡今名修義堡

晉靈公臺在縣西北三十一里左傳曰晉靈公不君從臺上彈人觀其避丸即此臺也

武平故閤在縣西三十里高齊時置周平齊廢

晉齊姜墓在縣南九里申生之母也

驪姬墓在縣南八里

太平縣縣南至本漢臨汾縣地屬河東郡後魏太武於

今縣東北二十七里太平故閤城置泰平縣屬平陽郡周

改泰平為太平因閤名開皇三年罷郡屬絳州

汾水在縣東二十九里

太平故閤城在縣東北一十七里

白波壘在縣東南十二里後漢末黃巾城於西河白波谷
寇太原於此築壘

子奇壘在縣東三十里後秦王姚興遣弟義揚公平字子
奇與征虜將軍狄伯支等步騎四萬伐魏攻平陽陷之遂
據柴壁魏軍大至截汾水以守之平大敗將麾下三十騎
赴汾水而死狄伯支等十將四萬人皆為魏所擒今按此
壘西臨汾水壘側尚有些村子奇投汾水即此處也

趙盾祠在縣西南十八里

李牧祠在縣東北

晉公孫杵臼程嬰墓並在縣南二十一里趙盾墓塋中

萬泉縣上東北至州一百二十里本漢汾陰縣地屬河東郡又薛通城

者後魏道武帝天賜元年赫連勃勃僭號夏侵河外于時有縣

人薛通率宗族千餘家西去漢汾陰縣城八十里築城目固

因名之武德三年於薛通故城置萬泉縣屬秦州縣東谷

中有井泉百餘區因名萬泉貞觀十七年廢秦縣屬絳州

曲沃縣縣西至五十里本晉舊都絳縣地也漢以為絳縣屬河

東郡後漢加邑字屬郡不改晉改屬平陽郡後魏孝文帝

於今縣東南十里置曲沃縣屬正平郡因晉曲沃為名開

皇三年罷正平郡改屬絳州

絳山在縣南十三里出銅錒

汾水西南去縣二十二里

澮水在縣南二里

絳水在縣界南三十里

漢絳縣本春秋晉都新田也在縣南二里周勃為絳侯即其地也今號絳邑故城

陘庭故城在縣西北二十里左傳曰曲沃武公伐翼次於陘庭是也

臺駘神祠在縣西南三十六里左傳曰晉侯有疾卜臺駘為祟問于子產子產曰昔金天氏有裔子曰昧為元冥師生允格臺駘能業其官帝用嘉之封諸汾川今晉主汾而

滅之由是觀之則臺駘汾神也

翼城縣望

西南至州一百里

本漢絳縣地屬河東郡後魏明帝

置此絳縣開皇末改為翼城縣屬絳州因縣東有翼城為名也武德元年於此置澮州二年廢澮州縣屬絳州

澮高山在縣東南二十五里澮水出焉其山出鐵隋於此置平泉沿澮水今改名翼水

故翼城在縣東南十五里晉故絳都也

故唐城在縣西三十里

聞喜縣

望西南至州六十里

本漢左邑縣之桐鄉也武帝元鼎六

年將幸緱氏至此聞南越破大喜因立聞喜縣屬河東郡

後魏改屬正平郡開皇三年罷郡屬絳州

景山在縣東南十八里

董澤一名董池故在縣東北十四里左傳尉武子曰董澤之蒲可勝既乎

桐鄉故城漢聞喜縣也在縣西南八里俗以此城為伊尹放太甲於桐宮之所孔注尚書曰桐湯葬地也按今地者放太甲處在偃師縣界非此也又漢大司農朱邑屬其子葬桐鄉者又在今舒州界亦非此也

王官故城今名王城在縣南十五里左傳曰俘我王官

祁奚墓在縣東二十二里今太原祁縣又有祁奚墓未詳

孰是

絳縣上西北至州八十里本漢聞喜縣地後魏孝文帝置南絳縣其

地屬焉因縣北絳山為名也屬正平郡恭帝去南字直為

絳縣開皇三年罷郡改屬絳州義寧元年屬翼城郡武德

元年屬澧州改屬絳州

備窳山在縣東北二十五里出鐵錐穴五所

絳水一名沸泉水出絳山東谷懸流奔壑一十許丈兩北

注于澮史記稱智伯率韓魏引絳水灌晉陽不沉者三板

智氏曰吾始不知水可以止人之國今乃知之於是韓魏

之君共殺智伯水在縣北十四里

晉文公墓在縣東二十里左傳曰文公卒將殯于曲沃出絳柩有聲如牛貞觀十一年詔致祭五十步樵蕪禁

援山縣東至州四十九里本漢聞喜縣地屬河東郡後魏孝文帝

於今縣東南三十里置高涼縣屬龍門郡開皇三年罷郡

縣屬絳州十八年改為援山縣因縣南援山以為名也

援山在縣南五十里左傳曰晉侯理兵於援以略狄土

即此地也

汾水在縣南五十里

玉壁故城在縣南十二里後魏大統四年東道行臺王思

政表築玉壁城因自鎮之

不剋周初於此置玉壁總管武帝建德六年廢總管城周

回八里四面並臨深谷

稷祠在縣南五十里稷山上

義和墓在縣東北十七里

龍門縣望東至州一百一十里古耿國殷王祖乙所都晉獻公滅

之以封趙夙秦崑為皮氏縣漢屬河東郡後魏太武帝改

皮氏為龍門縣因龍門山為名屬北鄉開皇三年廢郡以

縣屬絳州于六年割屬蒲州武德三年屬秦州貞觀十七

年廢秦州縣隸絳州

汾水去縣五里漢武帝行幸河東作秋風詞即此水也

故耿城在縣南十二里古耿國也

伏龍原在縣西南十八里

黃河北去縣二十五里即龍門口也禹貢曰浮于積石至

于龍門注曰龍門山在河東之西界大禹導河積石流決

龍門即斯處也河口廣八十步嚴際雋迹遺功尚存三秦

記曰河津一名龍門水陸不通魚鱉之屬莫能上江海大

魚集龍門下數千不得上，則為龍故曰曝鯢龍門水經

注曰其魚出葦縣葦六每三月則上渡龍門得則為龍否

則點額而還

裴廡故城在縣南七里

大禹祠在縣西二十五里龍門山上隋末摧毀貞觀九年

奉勅更令修理

高祖神堯皇帝廟在禹廟南絕頂之上畫行幸儀衛之像

蓋義寧初義旗至此也

龍門關在縣西北二十二里

晉州平陽開元戶六万八百五十三 鄉一百四十八
元祐戶六千五百六十七 鄉五十九

禹貢冀州之域即堯舜禹所都平陽也春秋時其地屬晉

戰國時屬韓後將馮亭以上黨降趙又屬趙在秦為河東

郡地也今州即漢河東郡之平陽也縣永嘉之亂劉元海

借號稱漢建都於此前趙錄曰太史令宣于循之言於元

海曰蒲子崎嶇非可久安平陽唐堯昔都顛陛下都之於
是遷都平陽後魏太武於此置東雍州孝明帝改為唐州
尋又改為晉州因晉國以為名也高齊武成帝於此置行
臺周武帝平齊置晉州總管義旗初建改為平陽郡武德
元年罷郡置晉州三年為總管府四年為都督府貞觀六

年廢府復為晉州

州境 東西三百二十四里 南北二百五十七里

八到 西南至土都七百三十里 東南至東都六百二十四里 東北至汾州三百六十里 東至潞州三百九十里 西至慈州二百二十里 東北至沁州二百九十里

東南至澤州四百十里 西北至隰州二百五十里

貢賦 開元 貢 賜 燭 賦 麻布

晉縣九

臨汾

襄陵

神山

岳陽

霍邑

趙城

汾西

冀氏

臨汾縣 郭下 本漢平陽縣屬河東郡在平水之陽故曰平

陽魏置平陽都平陽縣屬焉開皇元年改平陽縣為平河

縣三年罷郡縣屬晉州其年又改車河縣為臨汾縣

平山一名壺口山今名姑射山在縣西八里平水出焉尚

書曰壺口理梁及岐

汾水北自洪洞縣界流入

滴水今名三交水東自襄陵縣界流入

堯廟在縣東八里汾水東

姑射神祠在縣北十三里姑射山東武德元年勅置

龍子祠在姑射山東平水之源其地茂林蒼鬱俯枕清流實

晉勝境也

劉和墓在縣南三十三里和元海太子也

劉聰墓在縣西南十一里聰元海第四子也

襄陵縣縣西北至二十六里今漢舊縣也屬河東郡高齊省周

平齊自臨汾縣移禽昌縣於今理屬晉州大業二年改禽

昌為襄陵取漢舊名也縣東南有晉襄公陵因以為名先

是以禽昌名者後魏禽赫連昌以置縣故也

浮山在縣東南七里

滴水在縣北十五里

黑水經縣北二十五里

晉賈充墓在縣西南十里

神山縣中西至州本漢襄陵縣地也武德二年僕射裴寂

奏分襄陵縣置浮山縣屬晉州因山為名至三年因羊角

山神人見又改為神山焉

黑山今名烏頭山在縣東四十四里黑水出焉

羊角山在縣東南三十一里

老君祠在縣東南二十里武德三年見神於羊角山下語
曲沃野人吉善行日報大唐天子得聖理一千年其年勅
造通事舍人柳憲立祠因改縣為神山縣

岳陽縣

中西南至州一百五十里

本漢穀遠縣地後魏孝莊帝置安澤

縣屬義寧郡開皇十六年改屬沁州大業二年改為岳陽縣

因山為名義旗初建屬平陽郡武德元年罷郡改為晉州

烏嶺山在縣東三十里

千畝原在縣北九十里周迴四十里

東池堡在縣南三十三里今堡中見貯義倉北面絕崖三

面各二丈五尺週迴二里

洪洞縣

望西南至州六十里

本漢楊縣即春秋時楊侯國也晉滅之

以賜大夫羊舌肸漢以縣屬河東郡魏置平陽郡楊縣屬

焉開皇三年罷郡改屬晉州義旗初建改為洪洞縣因縣

北故洪洞鎮為名也

霍山在縣東北三十里事具霍邑縣

汾水自趙城東流入

洪洞故城在縣北六里後魏鎮城也姚弋序行記之曰周建

德五年從行討齊師次洪洞百雉相臨四周重複控據要

險城主張元靜率其所部肉袒軍門即此也

禽昌故縣在縣東南三十四里後魏太武帝禽赫連昌置

因以名焉

師曠祠在縣東南二十五里

霍邑縣

上

南至州一百五十里

本漢氐縣也屬河東郡因氐水為

名即周厲王所奔之邑後漢順帝改為永安縣屬郡不改

後魏初省及宣武正始二年又置永安縣開皇十八年改

為霍邑縣屬晉州因霍山為名隋末喪亂武牙即將宗老

生屯兵於此義師之至也老生陳兵據險師不得進忽有

白衣老父詣軍門曰霍山神遣語大唐皇帝若向霍邑當

東南傍山取路我當助帝破之遣人視之果有微道高祖

笑曰此神不欺趙襄子豈當負吾耶于是進師去城十餘

里老生戰敗劉知基斬之遂平霍邑置霍山郡武德元年

廢郡復置呂州貞觀十七年廢呂州縣又隸晉州

霍山一名太岳在縣東三十里禹貢曰壺口雷首山于太

岳鄭元注曰今河東此縣霍太山是也

呂坂在縣西南十里有呂鄉晉大夫呂甥之邑也呂州取

名於此

汾水經縣西二里

氐水出霍山經縣南一里

普濟寺貞觀八年奉詔以破宗老生于此置寺

周厲王陵在縣東北二十五里

趙城縣上南至州九十五里本漢毘縣地即造父之邑也自漢迄晉

不改後魏太武帝廢其趙城縣義旗之初分霍邑縣置屬

霍山即因故趙城為名武德元年廢郡置呂州縣屬烏貞

觀十七年廢呂州屬晉州

汾水出縣西四里

霍山廟在縣東南三十里霍山上甚有靈驗貞觀五年勅

令修理

汾西縣中東西至州一百八十里本漢毘縣地屬河東郡後漢改毘為

永安縣高齊又于此置臨汾郡及臨汾縣開皇三年改臨

汾縣為汾西縣十六年改屬汾州十八年改屬呂州大業

二年改屬晉州義旗初屬霍山郡武德元年又屬呂州貞

觀十七年廢呂州又屬晉州

汾水在縣東三十五里

冀氏縣中西至州一百九十二里本漢隋氏縣地也屬上黨郡隋晉君

義父至晉省後魏莊帝于隋代城南置冀氏縣屬晉州

烏嶺山在縣西三十里

沁水在縣東一里

慈州文城開元戶一萬一千二百七十五

禹負冀州之域春秋時晉之屈邑獻公子夷吾所居也左

傳曰驪姬賂外嬖梁五與東閹嬖五使言于公曰蒲與二

屈居之疆也不可無主乃使重耳居蒲夷吾居屈注曰二
屈今平陽郡北屈縣也左傳屈產之乘亦此地秦兼天下
縣屬河東郡漢北屈縣屬河西郡後魏孝文帝于北屈縣
南二十一里置定河郡即今州理是也隋開皇元年改定
陽郡為武城郡貞觀八年改為慈州：內有慈烏戍因以
為右

州境東西五百五十一里
南北二百一十二里

八到東南至絳州六百八十五里
西南至上都六百八十五里

東南至東都七百二十五里
西至龍門縣一百八十里

北至涇州二百里
西北至丹州一百八十里

東南至晉州二百四十里
正西至黃河六十五里

東南至絳州二百四十里
貢賦開元葛白密麻布

貢賦開元葛白密麻布

晉縣五

吉昌 文城 昌寧 仵城 呂香

吉昌中郭下本漢北屈縣地也屬河東郡後魏孝文帝于今

州置定陽郡并置定陽縣會有河西定陽胡人渡河居

于此因以為名十八年改定陽縣為吉昌縣貞觀八年改

置慈州縣依舊屬焉

壺口山在縣西南五十里

風山在縣北三十里山上有穴如輪風氣蕭瑟未嘗暫止

當其衝略不生草故以風為名

黃河北去縣六十里

姚襄城在縣西五十二里本姚襄所築其城西臨黃河控帶龍門孟門之險周齊交爭之地齊後主武平一年遣右丞相斛律明月左丞相平原王段孝先破周兵于此城遂立碑以表其功其碑見存齊氏又于此城置鎮開皇廢武德二年又置鎮九年廢城高二丈周四五里

文成縣

中東南至州六十五里

本漢北屈縣地屬河東郡後魏孝

文帝于此置斤城縣屬定陽郡開皇十六年改斤城縣為文成縣

孟門山俗名石槽在縣西南三十六里淮南子曰龍門未闢呂梁未鑿河水孟門之上名曰洪水大禹疏通謂之孟門水經注曰風山西四十里河水南出孟門與龍門相對即龍門之上口也寔為黃河之巨阨今按河中有山鑿中如槽東流懸注七十餘尺

文城故城在縣北三十里故老曰此城晉文公為公子時避驪姬之難從蒲奔狄因築此城人遂呼為文城

昌寧縣

州中西北至五十五里

本漢臨汾縣地屬河東郡後魏太武帝

分臨汾縣置太平縣孝文帝又分太平縣置昌寧縣屬定陽郡開皇元年改屬耿州十八年又屬汾州大業二年改

汾州為文城郡縣仍隸焉貞觀八年改為慈州縣又屬焉
兩乳山在縣西南七十里山有兩岫望如乳形因以為名
黃河北去縣七十九里

倚梯故城在縣西南一百五十里累石為之東北兩面據
嶺臨谷西南兩面俯眺黃河懸崖絕壁百餘尺其西南角
即龍門之上口也以城在高嶺非倚梯不得上因以為名
城中有禹廟後魏孝文帝西巡至此立碑二今見在

禹廟在縣西南一百五十里龍門東岬上其碑是後魏孝文
帝所立

晉荀息墓在縣東北六十里

作城縣

中

西南至州
五十八里

本漢北屈縣地屬河東郡後漢於

此置作城郡領京軍縣孝文帝改京軍縣為作城縣開皇
三年廢作城郡改屬文城郡皇朝改屬慈州

石門山在縣北六十里

定故城在縣西一里周保定四年置以高境因以為名

隋廢

呂香縣

中
至州八百
二十里

本漢臨汾縣地也屬河東郡後魏

太武帝於此置刑軍縣屬作城郡孝文帝改為平昌縣開
皇十六年省平昌入作城縣義寧元年於此置平昌縣貞
觀元年改為呂香縣因舊呂香鎮為名屬慈州

馬頭山在縣南六十里其山峭巖如馬首因以為名

橫嶺山在縣西北六十里

隍州文寧開元戶一萬八千五百八十三鄉四十八

禹貢冀州之域春秋時為晉地七國屬魏秦為河東郡地

在漢為蒲子縣屬河東郡後魏初屬作城郡孝文改蒲子

為長壽縣太和十二年於此置汾州周宣帝大象元年於

今州東有步置龍泉郡隋開皇五年改為隍州大業三年

又改為龍泉郡武德元年又為隍州爾雅曰下隍曰隍以

州帶泉治下隍故以隍為名

州境東西南北

八到東南至東郡八百八十里

東南至晉州汾西縣一百六十里

西至石州二百五十里

南至石州一百四十里

東至汾州二百七十里

貢賦開元賦麻布 白縵 麩布 廣府布 胡女布

隍川 蒲縣 大寧 溫泉 永和 石樓

隍川縣中下本漢蒲子縣地也屬河東郡魏少帝分河東

置平陽郡蒲子縣屬焉劉元海僭號稱漢初理於蒲子後徙

平陽又於此置大昌郡以蒲子屬焉周宣帝改置長壽縣

開皇十八年改為隄川縣南有龍泉下隄因以為名屬隄州

蒲水原出縣東北石樓山

黃墟谷水出縣東北黃墟谷

故橫城在縣南三十五里隋仁壽四年楊諒作逆遣偽將

吳子通屯兵築城於此橫絕蒲川道因以為名

蒲縣中西北至州本漢蒲子縣地後魏于此置石城縣

後廢周宣帝于石城故城置蒲子縣因漢蒲子縣為名也

屬定易郡開皇五年改屬隄州大業二年改為蒲縣五禿

山在縣東北五十里山少草木故名五禿週迴七十七里

常安原在縣西南四十里東西廣四十里南北長二十里

倂城故城在縣南六十三里後魏倂城郡也

大寧縣中東北至州本漢北平縣地也屬河東郡後魏

于此置倂城縣隋廢周武帝又于廢縣西三里置大寧縣

屬南汾州大業二年省武德二年于此置中州復置大寧

縣以屬烏貞觀元年廢中州以縣屬隄州

孔山在縣西北二十五里上有穴如車輪三所東西祠去

各二丈其深不測因以為名

黃河北去縣六十八里

蒲水一名斤水去縣六十步

浮圖鎮齊清河四年築隋移大寧縣理即今此縣理是也

溫泉縣中西南至州一百六十里本漢土軍縣地也後魏於土軍故縣

東七十里置新城縣屬土軍郡太武改名嶺東縣孝文改

為新城縣武德三年於縣東南四十里置北溫州及溫泉

縣因縣南溫泉為名貞觀元年省北溫州及新城縣以溫

泉縣屬溫州

望遠山一名可寒堆在縣西七十里高五里週迴九十五

里

西陽泉源出縣東北去縣十里

永和縣中東至州八十里本漢狐讎之涉縣屬河東郡後漢省

魏初復置狐讎縣屬河東郡魏廢高齊後主於其城置永

和鎮周宣帝廢鎮置臨河郡及臨河縣屬汾州開皇五年

改為溫州十八年改臨河為永和縣以縣西永和閭為名

也

樓山在縣西南二十二里

黃河東去縣六十里

狐讎故縣城在縣西南三十五里

石樓縣中東至州九十里本漢土軍縣也屬西河郡晉省後魏

孝文帝於此城置土京郡即漢土軍縣蓋明俗音訛以軍

為京也開皇五年又以土京屬溫州十八年改土京為石

樓縣因縣京石樓山為名也

黃河東去縣九十九里

龍泉水出縣東南去縣十里山下牧馬多產名駒故得龍泉之號

縣理城漢土軍城也其城圓而不方故謂之團城

元和郡縣圖志卷之十二終

元和郡縣圖志卷十三

河東道三

河東節度使

今為河東節度理所

太原府 開元戶十二萬六千八百四十

鄉二百四十五

管州十一 太原府 汾州 沁州 儀州

嵐州 自嵐州以下分入下卷

石州 忻州 代州 蔚州

雲州

管縣四十五 都管戶十五萬一千六百八十三

禹貢冀州之域禹貢曰既修太原注曰高平曰原今以為
郡名舜典曰肇十有二州王肅注曰舜為冀州之北太廣
分置并州至夏復為九州肖并州合于冀州周之九州復
置并州賦方曰正北曰并州其山鎮曰恒山藪曰昭餘初
川曰滹沱滙夷浸曰滹易釋名曰并兼也言其州或并或
設因以為名春秋晉荀吳敗狄于大鹵即太原晉陽縣也
中國曰太原夷狄曰大鹵案晉大鹵大夏墟平陽晉陽諸
名其寔一也太康地記曰并川不以衛水為號又不以恒
山為名而言并者蓋以其在兩谷之間乎素今州本高辛
氏之子實沈又金天氏之子臺駘之所居也左傳曰昔高

辛氏有二子伯曰閼伯季曰實沈居于大林不相能也日
尋于戈后帝不減遷實沈于大夏至參金天氏有裔子曰
昧為元冥師生允格臺駘以處太原晉陽縣也太原臺駘
之所居案今州又為唐國帝堯為唐侯所封又為夏禹之
所都也帝王世紀曰帝堯始封于唐又徙晉陽及為天子
都平陽平陽即今晉州晉陽即今太原也又曰禹自安邑
都晉陽至桀徙都安邑至周成王以封弟叔虞是為晉侯
史記曰成王與叔虞戲削桐葉為圭曰以是封汝周公請
封之于唐成王曰吾戲耳周公曰天子無戲言遂以封之
今州春秋時為晉國戰國時為趙地左傳曰晉趙鞅入晉

陽以叛穎客曰趙簡子居晉陽至成公居邯鄲史記曰智伯率韓魏攻趙襄子奔保晉陽復為韓魏趙所滅故其地屬趙地理志曰趙西有太原秦本紀曰莊襄王二年蒙驁攻趙定太原四年初置太原郡始皇置三十六郡仍為太原郡漢二年魏豹反為楚盡有太原上黨之地九月韓信虜魏豹定魏地置河東上黨太原郡六年以太原二十一縣為韓國徙封韓王信都太原七年信反走入匈奴十一年封皇子為代王都晉陽文帝元年立皇子參為太原王都晉陽地理志云太原郡領二十一縣屬并州後漢末省并州入冀州魏文帝黃初元年復置并州改太原郡為太原國初曹公圍袁尚於鄴時袁紹外甥高幹為并州刺史袁紹說幹曰并州左有恒山之險右有大河之固北有強胡宜速迎尚并力觀變幹未能用故敗晉惠帝時并州之地盡為劉元海所有其後劉曜徙都長安自平陽以東盡入石勒至符堅姚興赫連勃勃並於河東郡置并州後符丕為慕容垂所迫奔于晉陽稱帝一年為慕容永所滅後魏後為太原郡周武帝建德六年平齊置六府于并州後有大府置并州總管隋開皇二年廢總管置河北道行臺尚書省今州理是也九年廢行臺復置并州總管大業元年廢總管三年罷州為太原郡隋季陵遲寇盜充斥煬

原國初曹公圍袁尚於鄴時袁紹外甥高幹為并州刺史袁紹說幹曰并州左有恒山之險右有大河之固北有強胡宜速迎尚并力觀變幹未能用故敗晉惠帝時并州之地盡為劉元海所有其後劉曜徙都長安自平陽以東盡入石勒至符堅姚興赫連勃勃並於河東郡置并州後符丕為慕容垂所迫奔于晉陽稱帝一年為慕容永所滅後魏後為太原郡周武帝建德六年平齊置六府于并州後有大府置并州總管隋開皇二年廢總管置河北道行臺尚書省今州理是也九年廢行臺復置并州總管大業元年廢總管三年罷州為太原郡隋季陵遲寇盜充斥煬

帝以高祖為山西河東道撫慰大使太原郡留守仍遣武
貴郎將王威高君雅為副時賊帥歷山飛衆號十萬來寇
郡境劉武周又殺太守王仁恭舉兵馬邑俄又攻破汾陽
宮監裴寂晉陽令劉又靜勸高祖舉兵旬日間衆至數萬
威君雅有疑心高祖斬之以徇時大業十三年也其年入
關克定京邑高祖輔政義寧元年太原郡仍舊不改武德
元年罷郡為并州總管三年廢總管四年又罷其年又改
為上總管五年又改為大總管七年又改為大都督天授
元年罷都督府置北都神龍元年依舊為并州大都督府
開元十二年元宗行幸至此州以王業所興又建北都改

并州為太原府立起義堂碑以紀其事二十一年分天下
州郡為十五道置採訪使以檢察非法太原為河東道又
於邊境置節度使以武遏四夷河東最為天下雄鎮河東
理太原府管兵五萬五千五百人馬一萬四千匹
衣賜一府管兵五萬五千五百人馬一萬四千匹
兵軍太原府城內聖歷二年置管雲中郡守捉東西二百
七十里調露中裴行儉破突厥置管兵七千七百七
百人馬二千三百匹東南去理所八百里開元中河東
郡北三百里調露中突厥南去理所八百里開元中河東
百人馬三百匹東南去理所八百里開元中河東
橫野軍闕安邊郡公張嘉貞移置管兵七千七百七
百人馬三百匹東南去理所八百里開元中河東
所九百餘里安邊郡今蔚州定襄郡一千八百餘里
雁門郡管兵四千人樓煩郡管兵三千人樓煩今嵐州

岢嵐軍 樓煩郡北百里長安中李迥秀置管兵 天寶元年

改北都為北京今太原有三城府及晉陽縣在西城太原

縣在東城汾水貫中城南流

府境東西 南到趙州五百六十里

東至恒州五百里 西至東都八百九十里

東南至儀州三百四十里 西南至忻州一百八十里

正南至微東至涪州四百五十里 東北至恒州五百里

晉縣十三

太原 晉陽 榆次 清源 壽陽 太谷 祁縣

文水 交城 廣陽 陽曲 孟縣 樂平

太原縣 赤下 開元戶二萬一千六百五十六 鄉四十

本漢晉陽縣地高齊河清四年自今州城中移晉陽縣於

汾水東隋文帝開皇十年移晉陽縣於州城中仍於其處

置太原縣屬并州大業二年罷州置太原郡縣仍屬焉隋

末移入州城貞觀十二年還遷于舊理在州東二里百六

十步

穿山一名看山在縣東北四十五里後魏書曰劉聰遣子

餐襲晉陽倚盧敖之遂獵穿山陳開皮肉山為之赤其山

出金鉞

潛邱在縣南三里爾雅曰晉有潛邱隋開皇二年於其上置大興國觀

洞通水東自榆次縣界流入西去縣三十里入晉陽縣界陽曲故城在縣東北

陽直故城在縣東北二十里開皇十六年改陽曲縣理此

晉渠在縣西一里西自晉陽縣界流入汾東地界多鹹鹵井不堪食貞觀十三年長史英國公李勣乃于汾河之上

引決晉渠歷縣經鄆又西流入汾水

晉陽縣

赤郭下

元開

和戶

元戶一萬二千八百八十一

鄉二十五

本漢舊縣也屬太原郡至後魏並不改案此前晉陽縣理

州城中高齊武成帝河清四年移晉陽縣於汾水東今太原縣理是也武平六年于今理置龍山縣屬太原郡因縣西龍山以為名也開皇三年罷郡置并州十五年廢龍山移晉陽縣理之大業三年罷州為太原郡縣仍屬焉皇朝因之在州南一里

懸甕山一名龍山在縣西南十二里山海經曰懸甕之山晉水出焉其上多玉其下多銅

蒙山在縣西北十里六國春秋曰前趙劉聰征劉琨不克略晉陽之人踰蒙山而歸即謂此也今山上有楊忠碑為周將討齊戰勝隋文開皇二年追紀功烈始建此碑忠即

文帝之考謚曰武元皇帝

汾水北自陽曲縣界流入經縣東二里又西南入清源縣界

晉水源出縣西南懸壺山水經注曰晉水出懸壺山東過其縣南昔智伯遏晉水灌晉陽城不沒者三版後人踵其遺跡蓄以為沼。水分為二派其北瀆即智氏故渠也其瀆乘高東北注入晉陽城以周溉灌東南出城注于汾水其南瀆於石塘下伏流東南出晉陽城南又東南入於汾今案晉水初泉出處砌石為塘自塘東分為三派其北一派名智伯渠東北流入州城中出城入汾水其次派東流

經晉澤南又東流入汾水此二派即顧元所言分為二派者也其南汾隋文開皇四年開東南流入汾水

洞過水東自太原縣界流入西入于分晉水下口者也水經注曰劉琨之為并州也劉元海引兵擊之合戰于洞過即此水是也今案此水出沾縣北山沾即今葉平縣也水經縣東南二十五里入汾水

晉澤在縣西南六里開皇六年引晉水溉稻田週回四十一里

府城故老傳晉并州刺史劉琨築今案城高四丈周迴三十七里今案城中又有五城其一曰大明城即古晉陽城

也左傳言董安于所築史記云智伯攻襄子於晉陽引汾水灌其城不沒者三板春秋後語云智伯攻晉陽決晉水灌之城中懸釜而炊今案城東有汾水南流城西又有晉水入城而史記云引汾水後語云決晉水二家不同未詳孰是高齊後帝於此置大明宮因名大明城姚最序行記曰晉陽宮西南有小城內有殿號大明宮即此也城高四丈周回四里又一城南面因大明城西南連倉城北面因州城東魏孝靜帝於此置晉陽宮隋文更名新城煬帝更置晉陽宮城高四丈周迴七里又一城東面連新城西面因州城周回十二年築今名倉城高四丈周回八里

故唐城在縣北二里堯所築唐叔虞之子燮父徙都之所也

三角城在縣西北十九里一名徒人城

捍胡城一名看胡城在縣北二十三里

受瑞壇在州理倉城中義旗初高祖太武皇帝受瑞石於此壇文曰李理萬吉

晉陽故宮一名大明宮在州城內今名大明城是也昔智伯攻趙襄子襄子謂張孟說曰無箭奈何對曰臣聞董安于簡主之才臣也理晉陽公宮之垣皆以荻蒿楛櫜之蒿至于丈於是發而試之其堅則籬籍之勁不能過也公曰

矢足矣吾桐少對曰臣聞董安于之理晉陽公宮之室皆以鍊銅為柱質請發而用之則有餘銅矣高齊文宣帝又於城中置大明宮竹馬府在州城中

汾橋架汾水在縣東一里即豫讓欲刺趙襄子伏於橋襄子解衣之處橋長七十五步廣六丈四尺

昔祠一名玉祠周唐叔原祠也在縣西南十三里水經注曰晉智伯遺晉水以灌晉陽其川上源後人蓄以為沼西際山枕水者唐叔虞祠水側有涼堂結飛梁於水上晉川之中最為勝處唐行記曰高詳天保中大起樓觀穿築

池塘自洋已下皆遊集焉至今為北都之勝

介之推祠在縣東五里

唐叔虞墓在縣西南十六里

高齊相國咸陽王斛律金墓在縣西南十七里

晉祠碑在乾陽門街貞觀二十年太宗幸并州所置御製

并書

起義堂碑在乾陽門街開元十一年光宗幸太原所立御

製并書

諒武臺在縣西北十五里顯慶五年置

榆次縣畿

西去府五十六里

開元戶一萬五千四百三十九元和戶

本漢舊縣即春秋時晉魏榆地左傳曰石言于晉魏榆注曰魏晉邑榆即州理名史記曰莊襄王二年使蒙驁攻趙魏榆漢以為縣屬太原郡後魏太武帝并入晉陽縣宣武帝復置榆次縣高齊文宣帝省自今縣東十里移中都縣理之屬太原郡十年以中都縣又為榆次縣三年罷州為郡縣仍屬焉皇朝因之

麓臺山俗名鑿臺山在縣東南三十五里

洞過水東自壽陽縣界流入經縣南四里又西南入太原縣界

中都故城縣東十里高齊移于廢榆次城即今縣理是也

鑿臺在縣南四里水經注曰洞過水西過榆次縣南水側有鑿臺智伯瑤剗腹絕腸折頭摺頤之處史記曰智氏信韓魏從南伐趙攻晉陽韓魏殺之於鑿臺之下說苑曰智氏見伐趙之利不知榆次之禍皆謂此也今案其臺為洞過水所侵無復餘跡

原過祠俗名原公祠在縣東九里史記曰智伯率韓魏攻趙：襄子懼乃奔保晉陽原過從後至于王澤見三人自帶已上可見自帶以下不可見與原過竹三節莫通曰為我遺趙母卽原過既至以告襄子襄子齊晉親自剖竹有朱書曰趙母卽余霍秦山：陽侯天吏也三月丙戌予

將使汝反滅智氏汝亦立我百邑襄子再拜受三神之命
既滅智氏遂祠三神于百邑使原過主之

麓臺山祠俗名智伯祠在麓臺山上

清源縣縣 東北至開元戶八百四十一 鄉十七

二十九里 元和戶

本漢榆次縣地 地理志曰榆次有梗陽鄉魏成邑案梗陽
在今縣南一百二十步梗陽故城是也自漢晉皆屬榆次縣
地後魏省榆次縣地屬晉陽開皇十六年于梗陽故城置
清源縣屬并州因縣西清源縣水為名大業二年省又為
晉陽縣地武德元年重置

汾水經縣東去縣九里又東南入文水縣界

梗陽故縣城春秋晉大夫相氏邑也在縣南一百二十步左傳
曰晉殺初盈遂滅初氏分為一縣成為梗陽大夫是也開
皇十六年於其城內置清源縣

鵝城在縣東南二十二里晉陽春秋曰永嘉元年洛陽步
廣里地陷有二鵝色黃倉者飛冲天白者不能飛倉雜色
故夷之象劉雍以為已瑞築此城以應之

閻沒墓在縣西南三里左傳曰梗陽人有獄魏成不能斷
以獄上其大宗賂以女樂魏子將受之魏成謂閻沒必諫
許諾退朝侍於庭饋入名之比置三歎魏子問之對曰或
賜小人酒不夕食饋始置恐不足中自咎曰豈將軍食之

而有不足及饋之畢願以小人之腹度君子之心屬饜而

已魏子辭梗陽人

壽陽縣畿西南至開元戶五千一百六十七鄉十

本漢榆次縣地西晉於此置受陽縣屬樂平郡永嘉後省

晉末山戎內侵後魏太武遷戎外出徙受陽之戶于太陵

城南置受陽縣屬太原郡受陽縣即今文水縣是也開皇

十年改受陽為文水縣又於受陽故城別置受陽縣屬并

州即今縣是也大業三年罷州為太原郡縣仍屬焉武德

三年置受州縣改屬焉貞觀八年廢受州縣屬并州貞觀

十一年更名壽陽

方山在縣北四十里

洞道水東自樂平縣界流入在縣南五十里又西南入榆

次縣界

馬首故城在縣東南十五里左傳曰晉分祁氏之田為七縣

韓回為馬首大夫即其地也

神武故城後魏神武郡也在縣北三十里周廢

大谷縣畿西北至府開元戶一萬五百九十鄉二十

本漢陽邑縣地屬太原郡今縣東十五里陽邑故城是也

後漢明帝以馮魴為陽邑侯後魏太武帝省景明二年復

置陽邑縣屬太原郡即今縣是也高齊及周同開皇三年

罷郡屬并州開皇十八年改陽邑為太谷縣因縣西大谷
為名大業三年罷州為太原郡縣仍屬焉武德三年分并
州之大谷初二縣于此置太州六年省太州復以太谷初
縣屬并州

白壁嶺在縣北七十五里

蔣谷水今名象谷水源出縣東南象谷經縣北四里北入

清源縣界

陽武故城在縣東南十五里

咸陽故城在縣西南十里秦伐趙築之以咸陽兵滅之因

名

羅尊亭俗名落漢城在縣西北十九里

初縣畿北至府開元戶一萬五千七百八十二鄉三十

本漢舊縣即春秋時晉大夫祁奚之邑也左傳曰晉殺祁

盈遂滅祁氏分為七縣以祁辛為祁大夫注曰太原初縣

也案漢初縣在東南五里故祁城是也後漢訖後魏並不

改高齊天保七年省開皇十年重置屬并州武德二年改

屬太州六年省太州還屬并州

情山在縣東南六十里

胡甲水一名太谷水東南自潞州武鄉縣界流入又南入

汾州平遙縣界

故祁城漢祁縣城也在縣東南五里晉大夫賈辛邑水經注曰賈亦以貌醜妻不為言與之如臯射雉中之妻乃笑案左傳魏獻子謂賈辛曰昔賈大夫惡娶妻而美三年不言御以如臯射野觀獲之其妻始笑而言注曰賈國之大夫以此而言則辛非射雉者酈元所引為謬

趙襄子城在縣西六里

雲州故城後魏雲川城也在縣西二十里孝武帝永熙中

寄理并州界謂此也

初奚墓在縣東南七里

後漢溫序墓在縣西北十四里序本初人死葬洛陽其子

夢序云久客思故鄉乃反葬焉

後漢周黨墓在縣東南十四里黨廣武人世祖引見伏而

不謁

高齊唐邑墓在縣東南七十里碑云齊尚書令晉昌王

文水縣畿東北至開元戶一萬一千六百六鄉廿二

本漢大陵縣地屬太原郡今縣地十三里大陵故城是也

後魏省仍於今理置受陽縣屬太原郡開皇十年改受陽

縣為文水縣因縣西文谷水為名皇朝因之天授元年改

為武興縣神龍元年復為文水縣城甚寬大約三十里百

姓于城中種水田

汾水東北自清涼縣界流入經縣東十五里又西南入汾州濕城縣界

文水西北自交城縣界流入經縣西又南入濕城縣界
大陸城漢大陵縣也在縣東北十里史記曰趙武靈王遁大陵蒞處女鼓琴而歌異日數言所夢想見其狀吳廣聞之因進孟姁焉

平陶城漢平陶縣城也在縣西南二十五里屬太原郡後魏改為平遙縣後西胡內侵遷居京陵塞在今汾州界大于城在縣西南十一里本劉元海築今元延年鎮之胡語長兄為大于因以為名

交城縣

續東北

府八十里 開元戶五千四百十三

鄉十二

本漢晉陽縣地開皇十六年分晉陽縣置交城縣取古交城為名屬并州皇朝因之天授二年長史五及善自山北故交城縣移就却波村置

少陽山在縣西南九十五里其上多玉其下多赤銀高二百丈周迴二十里

羊腸山在縣東南五十三里石磴縈委若羊腸後魏于此立倉今嶺上有故石墟俗云太武帝避暑之所地理志上黨壺關亦有羊腸阪在今潞州界不謂此也
孤突山在縣西南五十里出鐵錐

汾水西北自嵐州靜樂界流入

文谷水出縣西南文谷水經曰文水出太陵縣西山文谷
按大陵縣在今文水縣北十三里大陵故城是也文水發
源此城西北東南流入文水縣界流入行八十里

廣陽縣

府

西北至

開元戶二千六百七十三

御五

本漢上文縣也屬太原郡後漢屬常山國晉屬樂平郡後
魏改石艾縣屬樂平郡不改開皇五年罷郡改屬遼州天
業三年省遼州後屬并州武德三年又屬遼州遼州今太
原府樂平縣理是也六年改屬受州貞觀八年廢受州後
屬并州天寶元年改為廣陽縣因縣西南八十里廣陽故

城為名也

浮山縣東南三十五里

澤發水一名阜漿水亦名姑女泉源出縣東北量卓壘東

今其泉初出大如車輪水色青碧泉傍有祠土人祀之婦

人衽服靚粧必興雨電故曰姑女故老傳此泉中有神祀

鬻畫晝伏夜游神出水隨神而湧其水東流入井陘縣界廢

受州城在縣西北三十里舊名塞魚城武德八年因故跡

築移受州理此貞觀八年廢

井陘故閘在縣東八十里史記曰漢二年韓信與張耳欲

東下井陘擊趙王成安君陳餘聚兵井陘曰二十萬廣武

君李左車說成安君曰井陘道狹車不得方軌騎不得成
列假臣奇兵三萬從間道絕其輜重不至十日兩將之頭
可致戲下餘不從故敗今按井陘亦名土門

盤石故關在縣東北七十里

葦澤故關在縣東北八十里

董卓壘在縣東北八十里水經注曰澤發出董卓壘東

姑女祠在縣東北九十里澤發水源

陽曲縣畿南至開元戶八千一百二十一

本漢舊縣也屬太原郡黃河十里一曲曲當其陽故曰陽

曲案此前陽曲縣今忻州定襄縣是也後漢末移於太原

縣北四十五里陽曲故城是也後魏又移于今縣南四里

陽直故城開皇三年改為陽直縣十年又移于今縣東北

四十里汾陽故縣十六年改陽直縣為汾陽縣因漢舊名

也煬帝又改為陽直縣移理木井城即今縣理是也武德

七年又于今縣西十五里分置汾陽縣屬并州七年省陽

直縣改汾陽為陽曲縣因漢舊縣也

方山在縣東六十里

汾水西自交城縣流入經縣西南去縣三十里又東南入

太原縣界

縣城故水井城也東魏孝靜帝築城中有井以木為甃因

名之

狼孟故城在縣東北三十六里史記曰始皇十六年大興兵至太原取狼孟是也漢以為縣屬太原郡晉末省案城左右狹澗幽深南西太望俗謂之狼馬澗舊斷澗為城今餘壁猶存

故孟城漢孟縣也本春秋時晉大夫祁氏邑在縣東北十里左傳曰晉殺祁盈遂滅祁氏分為七縣以孟景為孟大夫漢以為縣

石嶺鎮在縣東北七十里

孟縣

鐵西南至府二百二十里

開元戶五千二百七十三

鄉十

本漢舊縣屬太原郡後漢及晉不改案此前孟縣在今縣西南陽曲陽縣東北十里故孟縣城是也後魏省地屬石艾縣開皇十六年分石艾縣置原仇縣屬遼州因原仇故城為名即今縣是也大業二年改原仇為孟縣因漢舊名屬并州皇朝因之武德三年割并州之孟壽陽二縣於此置受州貞觀八年省受州孟縣後屬并州

白馬山在縣東北六十里山海經曰白馬之山其陽多玉石其陰多鐵及赤銅木馬之水出焉山上有白馬關後魏所置

原仇山在縣北三十里出人參鐵鉞縣取此山為名滹沱

水西自代州玉臺縣界流入南去縣一百里

縣城本名原仇城亦名仇由城案韓子曰智伯欲伐仇由

國道難不通鑄大鍾遺之仇由大悅除塗將內之赤章曼

反諫不聽斬穀而馳仇由以亡蓋其地也

樂平縣晉西南至開元戶二千六百八十九 鄉五

本漢沾縣屬上黨郡治音丁晉於此置樂平郡沾縣屬焉

又別置樂平縣後魏太武帝省樂平郡及縣孝明帝於今

儀州和順縣重置樂平郡及縣高齊移理沾城即今縣是

也開皇十六年于此置遼州縣屬焉大業二年省遼州以

樂平屬并州皇朝因之武德六年廢受州貞觀八年省受

州縣改屬并州

火山一名河邊山在縣西南三十里福地記曰河邊山在

樂平沾縣高八百丈可避兵水此即恒山之佐命也

沾嶺在縣西南三十里

清草水出縣西南火山海經曰火山清漳水出焉今案

清漳出樂平濁漳出潞州山子縣界

縣城即漢沾縣城也隋文帝更加修築

黃陽故城一名夕陽城在縣東二十里左傳曰晉荀吳假

道於鮮虞遂入黃陽滅肥子綿臯歸七國時趙成于此

汾州西河 開元戶五萬三千七十六 鄉一百十四
元和戶八千三百四 鄉一百十八

禹貢冀州之域其在虞舜十二州足周皆屬并州春秋時
為晉地後屬魏謂之西河子夏居西河吳起為西河守皆
謂此也秦屬太原郡漢武帝元朔四年置西河郡領縣三
十六理富昌縣是也後漢徙理離石即今石州離石縣也
獻帝末荒廢魏黃初二年乃于漢慈氏縣置西河郡即今
州理是也晉魏帝時為劉元海所攻破郡遂廢後魏孝文
帝太和八年復于慈氏舊城置西河郡屬吐京鎮案吐京鎮
今溫州西北九十里石樓縣是也十二年改吐京鎮為汾
州西河郡仍屬焉明帝時為胡賊所破因此移西河郡理
平陽界高齊又于此城置南朔州周武帝廢南朔州宣帝

於此置汾州大業三年廢汾州還于溫城縣置西河郡皇
朝初改為浩州武德三年又改浩州為汾州

州境
東至一百二十四里
西至一百一十五里
南至一百一十五里
北至一百一十五里
東南至上都九百三十里
西南至上都九百三十里
東至潞州四百四十里
西至潞州四百四十里
東南至太原府一百七十里
西南至太原府一百七十里

貢賦開元
貢
龍鬚席
石膏
賦
麻布
菽粟

管縣五

西河 孝義 介休 靈石 平遙

西河縣 郭下
開元戶一萬二千三百七十五 御廿五

本漢慈氏縣也曹魏於此置西河郡晉改為國仍改慈氏縣為陞城縣上元二年改為西河縣今城內有晉西河王斌碑文字殘缺

謁泉山上有石室去地五十餘丈頂上平地可千頃相傳以為子夏石室

比干山在縣北一百十里

文湖一名西河泊在縣東十里多捕魚之利

八門城在縣北十五里劉元海遣將喬松攻西河築營自固營有八門因名

卜商祠在縣北四十里

孝義縣

隸州三十五里

開元戶一萬六百八十五

本漢慈氏縣地魏曹移西河郡中陽縣於今理永嘉後省入陞城後魏又分陞城於今靈石縣東三十里置永安縣貞觀元年以縣名與涪州縣名因改為孝義縣因縣人郭興有孝義故以為名焉

勝水在縣南一里

圍城在縣西北十八里後魏築以防稽胡其城紆曲故名圍城

魏文侯墳在縣西五里

段干木墓縣東北二十五里

介休縣

望州六十三里

開元戶一萬一千三百八十三

鄉三十三

本秦漢之舊邑在介山西因名之後魏明帝時為胡賊所破至孝靜帝更修築遷朔州軍人鎮之因立為南朔州但領軍人不領郡縣其介休縣仍屬汾州高齊省介休入永安縣周武帝省南朔州復置介休縣宣帝改介休為平昌縣隋開皇末又改平昌為介休縣義寧元年于縣置介休郡武德元年改郡為介州貞觀元年廢介州以縣屬汾州

介山在縣西南二十里

崔澤谷在縣西十二里

汾水在縣北十二里

鄆城泊在縣東北二十六里周禮并州之數曰昭餘祁即

鄆城泊是也

郭林宗墳在縣東二里周武帝時除天下碑唯林宗碑詔特留

靈石縣上北至州

開元戶三千七百三十一 鄉八

本漢介休縣地隋開皇十年因巡幸開道得瑞石遂於谷口置縣因名靈石皇朝因之

介山在縣東四十二里

汾河在縣北十步深一丈濶三丈

賈胡僅在縣南三十五里義寧元年義師次于霍邑隋將宗金剛拒不得進屯軍此僅有霍山神見靈事已具于霍邑縣敘事

平遙縣望西北至開元戶一萬八千九百七 鄉三八

本漢平陶縣地屬太原郡後漢隸西河郡魏以太武帝名陶

壽改平陶為平遙隋屬西河郡義寧元年于介休縣置介

休郡以平遙縣屬焉武德元年于此置介州縣屬不改貞

觀元年省州縣屬汾州

麓臺山在縣東南五十二里

京陵故縣在縣東七里漢京陵縣晉九原地也禮記注曰

九原晉卿大夫之墓地也

中都故縣在縣西十二里屬太原郡漢文帝為代王都于此

沁州陽城開元戶六千五百十 鄉十三
中下元和戶二千二百十 鄉十三

禹貢冀州之域春秋時其地屬晉戰國屬韓在秦為上黨

郡地今州即漢上黨郡之穀遠縣地也開皇十六年于此

置沁州因州東沁水為名大業三年省沁州武德元年重置

州境東西一百五十里

八到西南至上都一千二十里

東南至東都六百三十里

西北至汾州二百六十里

西至黃州霍邑縣一百五十里

西南至晉州二百九十里

東北至太原府三百四十里

貢賦開元龍鬚席

管縣三

沁源

和川

綿上

沁源縣 中郭下 開元戶二千二百五十四 御五

本漢穀遠縣地舊在今縣南一百五十里孤遠故城是也語音訛轉故以穀為孤耳後魏莊帝于今理置沁源縣因沁水為名也屬義寧郡開皇三年罷郡置縣屬晉州十六年

置沁州縣屬焉

霍山一名太嶽在縣西七十八里

沁水自綿上縣界流入在縣東一里

和川縣 中下北至 開元戶一千八十 編四

本漢穀遠縣地後魏莊帝于今縣南九里置義寧縣屬義

寧郡開皇三年罷郡改屬晉州十六年置沁州縣屬焉十

八年改為和川縣大業二年省武德元年重置

烏嶺在縣西十六里

沁水在縣東十里

弃波水在縣東八十步

冀缺墓在縣南三十六里

綿上縣 中下南至 開元戶一千八百十五 御四

本漢穀遠縣地開皇十六年置綿上縣屬沁州以縣西界

有綿上地因以為名

羊頭山一名謂庚山在縣東北五十里沁水所出

沁水一名少水出縣東南二十四里覆甌山左傳曰齊侯

伐晉封少水為京觀也

霍山在縣西南八十里

儀州 樂平 開元戶七千九百七十五 元和戶一千六百五十一

禹貢冀州之域春秋時其地屬晉戰國屬韓秦為上黨郡

地今州即漢上黨郡之潞縣地也後漢于此置轄陽縣屬

上黨郡隋開皇十年於轄陽故城置遼山縣屬并州即今

州理是也武德三年于此置遼州八年改為冀州因遼山

縣界箕山為名先天元年以與元宗諱同聲改為儀州因

州東夷儀嶺為名也

州境東西二百五十九里 南北一百五十九里

八到

西南至上都一千六百四十里 西至東都七百八十里 西北至太原府三百四十五里 正東至微南至洛州三百六十里 西至太原府初縣三百里 南至潞州一百十里 北至太原府樂平縣一百十里

貢賦

元和 貢 人參三十兩

管縣四

遼山 榆社 平城 和順

遼山縣

中郭 開元戶二千百九十

本漢

潞縣地後漢于此置轄阿縣屬上黨郡晉改為轄陽

縣屬

樂平郡後魏明帝改為遼陽開皇十年改置遼山縣

因縣

西北轄山為名皇朝因之

箕山

在縣東四十五里上有許由冢案司馬遷傳曰余登

箕山

在縣東四十五里上有許由冢案司馬遷傳曰余登

箕山在縣東四十五里上有許由冢案司馬遷傳曰余登

箕山上有許由冢則在今洛州陽城縣不當在此

五指山在縣東五十里

祝融祠在縣二里

榆社縣中東至州一百十里

開元戶二千七百十

本漢涅縣地晉于今縣西北三十里置武鄉縣屬上黨郡

石趙時改屬武鄉郡開皇十六年于此置榆社縣屬韓州

今洛州東因縣西北榆社故城為名大業二年省義寧二年又

置武德三年于縣置榆州縣屬焉六年廢榆州以縣屬遼州

後屬儀州縣城故武鄉城也石勒時築前趙錄曰石勒上

黨武鄉人僭號後還今日武鄉吾之豐沛其後之三世

石勒滙府池在縣北三十里即勃微時與李陽所爭處今

枯涸終有處所

平城縣下東南至州九十里

開元戶九百五十四

鄉三

本漢涅縣也晉置武鄉縣地屬焉開皇十六年於趙簡子

所立平都故城置平城縣屬遼州大業三年改屬并州武

德三年改屬榆州六年省榆州改屬遼州貞觀八年改屬

箕州先天元年改屬儀州

八賦嶺在縣西南三十里武鄉水所出

和順縣中南至州八十五里

本漢沿縣地即韓之關與邑也史記曰秦伐韓關與趙惠

文王使趙奢救之大破秦師即此地也開皇十年于今理
置和順縣屬并州因縣東北和順故城以為名

九京山在縣西十里

清漳水在縣北

元和郡縣志卷之十三終

元和郡縣志卷十四

河東道四

太原府下

嵐州 石州 忻州 代州 蔚州 朔州 雲州

嵐州樓煩 開元戶一萬七百二十六 元和戶六千三百八十二 朔州 鄉一十二 鄉三十三

本并州之域春秋屬晉滅後為胡樓煩王所居趙武靈

王破以為縣秦為太原郡地在漢即太原郡之汾陽縣地

也漢末大亂匈奴侵邊自定襄已西盡雲中雁門西河之

間遂空建安中曹公糾率散亡立新興郡晉末陷劉元海

後魏於今理置嵐州因州西岢音哥嵐山為名也大業中

年于静樂縣界置樓煩郡周漢樓煩縣為名隋亂陷賊武
德四年平劉武周置東會州六年省東會州重置嵐州天
寶元年改為樓煩郡乾元二年復為嵐州

州境南三百七十八里
東至太原路一千五百八十里
北至都取石堡路一千三百七十五里
南至上都取石堡路一千三百七十五里
八到

東南至太原府三百二十里
東南至代州三百里
東北至忻州二百四十里
東至石州二百四十里
南至黃河一百八十里
西至合河關從關西至麟州一百二十里
貢賦開元貢熊皮石密麻

管縣四 宜芳 静樂 嵐谷

宜芳縣 上郭 開元戶五千五百二十四 鄉十一

本漢汾陽縣地屬太原郡後魏于此置奇嵐縣開皇十八
年改為汾源縣大業四年改汾源為静樂縣八年分静樂

置嵐城縣屬樓煩郡武德四年改為宜芳縣

奇嵐山在縣北九十八里高二千餘丈西北與雪山相接

奇嵐鎮在縣西北九十八里

秀容城故城在縣南三十里劉元海感神而生姿容秀美

因以為名也

静樂縣 上西至州 開元戶三千四百八十七 鄉七

本漢汾陽地城內有堆阜三俗名三堆城開皇三年自今
宜芳縣北移寄嵐縣於三堆城十八年改為汾源縣大業
二年改為靜樂縣武德四年於縣置北管州因管涔山為
名五年省縣屬嵐州

管涔山在縣北一百三十里汾水源出焉初劉曜隱于此
山：神使二童子獻劍于曜曰管涔山王使謁趙皇帝獻

劍

伏代城在縣北八十里隋樓煩所理也

隋汾陽故宮在縣北一百二十里

樓煩關在縣北一百五十里

天池在縣北燕京山上周回八里陽旱不耗陰霖不溢故老
言嘗有人乘車風飄墮池有人獲車輪于桑乾泉後魏孝文
帝以金珠穿魚七頭放此池後亦于桑乾泉得之隋煬帝嘗于

池南置宮每夜風雨吹破宮竟不成今池側有祠謂之天池祠

合河縣 中東至州 開元戶一千八百五十九 鄉四

本漢汾陽縣地後魏於蔚汾谷置蔚縣汾屬神武郡開皇

三年罷郡縣屬石州大業二年改為臨泉縣四年屬樓煩

郡武德七年改為臨津縣屬嵐州貞觀元年改為合河縣

以城下有蔚汾水西與黃河合故曰合河

黃河在縣西二里

合河關在縣北三十五里

蔚汾關在縣東七十里

隋長城起縣北四十里東經幽州延袤千餘里開皇十六

年因古跡修築

嵐谷縣中南至開元戶四千六百五十七 鄉九

隋大業中置岢嵐鎮壁草城川賊路長安三年於此置嵐

谷縣景龍年廢開元十二年重置取岢嵐谷為名

石州昌化開元戶九千二百六十二 鄉三十二

禹貢冀州之域虞及周屬并州春秋時屬趙亦為白狄之

地今步落稽其胄也在秦為西河郡之離石縣靈帝末黃

巾大亂百姓南奔其郡遂廢魏黃初三年復置離石縣晉惠帝

末劉元海起於河西攻陷郡縣其離石又沒于賊石勒時改為永

石郡後魏明帝改為離石鎮高齊文宣帝於城內置西汾州周

武帝改為石州大業二年又改為離石郡武德元年改為石州

五年置總管七年改為都督貞觀六年復為石州

州境東西一百九十里

八到西南至上都一千二百五十里

西渡河至綏州二百三十里

正南至微東至溫州二百五十里

東南至汾州一百四十里

貢賦開元賦貢麻布胡女布三端龍鬚席五領 麝香蜜蠟

管縣五 離石 平夷 定胡 臨泉 方山

離石縣 中郭 開元戶二千七百七十三

本漢舊縣也屬西河郡縣東北有離石水因取名焉漢末
荒廢魏黃初復置後陷劉元海石勒改為永石郡高齊文
宣帝於此置昌化縣屬懷政郡後周復為離石屬石州隋
氏不改皇朝因之

離石山今名赤洪嶺在縣西五十步高歡大破爾朱兆於
赤洪嶺蓋此處也

盧城在縣東二十里晉并州刺史劉琨所築以攻劉曜

平夷縣 中北至州 五十一里

本漢離石縣地周宣帝割縣西五十一里置平夷縣屬石
州隋氏不改皇朝因之

黃河西去縣四十五里

寧鄉水在縣西南一百五十步

定胡縣 中東至州 開元戶二千六百九

鄉五

本漢離石縣地周宣帝大象元年於此置定胡縣隋因之
武德三年于縣置西定州貞觀二年廢州置孟門縣七年
廢為孟門鎮八年廢鎮復為定胡縣

黃河去縣西二百步

孟門關在縣西一百步河東岸

臨泉縣中下南至州一百七十里開元戶一千五百九十六 鄉五

本漢離石縣地周大象元年於此置烏突郡烏突縣隋開皇元年改烏突郡為太和郡烏突縣為太和縣三年廢郡

以泰和縣屬石州武德三年改太和為臨泉縣

臨泉水在縣北二百步縣因此水為名 黃河在縣北二

方山縣州九十里南至開元戶一千三百五十三 鄉四

本漢離石縣地高齊文宣帝於此縣北六十八里置良泉縣屬離石郡大業三年移就今縣南三十五里方山置故名方山貞觀十一年移於今理

赤洪水在縣南五十里

三角成在縣北七十三里

忻州定襄開元戶一萬四千四百三十八 鄉二十九

本并州之域春秋時為晉地戰國為趙地秦為太原郡地

今州即漢太原郡之陽曲縣也案漢陽曲縣在今州東四

十五里定襄縣理是也後漢末大亂匈奴侵邊自定襄已

西盡雲中雁門之間遂空曹公立新興郡以安集之理九

原即今州是也後魏宣武帝又於今州西北十八里故州

城移肆州理此因肆盧川為名也開皇十八年改置忻州

因州界忻川口為名也大業二年省忻州義旗初又置新興

郡武德元年廢郡復置忻州二年陷劉武周四年武周平依舊置忻州

州境東西一百四十五里
八到南西北八十六里
南至上都一千四百四十里
西至嵐州二百四十里
南至上代州一百六十里
南至太原府一百八十里

貢賦開元貢射香扇子三枝賦麻布

管縣二 秀容 定襄

秀容縣 上郭 開元戶七千一百三十八 鄉十一

本漢陽曲縣地屬太原郡後漢末於此置九原縣屬新興郡
後魏莊帝于今縣東十里置平寇縣開皇十八年於此置
忻州又于今縣西北五十里秀容故城移後魏明年所置
秀容縣於今理屬忻州國朝因之

滹沱水在縣東三十二里

定襄縣 上東至州 開元戶五千五百三十二 鄉十七

本漢陽曲縣屬太原郡黃河十里一曲縣當其陽故曰陽曲後
魏末移陽曲縣于太原訥仍於此城置定襄縣屬新興郡高齊
省武成帝移平寇縣于此開皇十年移平寇於崞城今代州
崞縣是也武德四年分秀容縣于漢陽曲城重置定襄縣
聖阜今名聖人山在縣東北二十里石上手足迹猶存

滹沱水西自秀容縣界流入

代州 雁門 開元戶一萬五千七十七 鄉廿八

本并州之域春秋時為晉地戰國時屬趙史記曰趙襄子

與韓魏共滅智伯分晉地則趙有代句注之北今案句注
在西州北三十五里雁門縣界西陘山是也秦置三十六
郡雁門是其一焉漢因之後漢末匈奴侵邊其地荒廢周
宣帝大冢元年自九原城移肆州於今理隋開皇五年改
肆州為代州大業三年改為雁門郡隋氏喪亂陷於寇境
武德四年平代置代州都督府

州境東三百二十里
南三百二十八里
西至東都一千二百三十里
南至東都一千二百三十里
西至朔州三百里
北至朔州一百二十里
東至蔚州四百里
東南取崩石嶺至恒州五百四十里

貢賦開元 貢 鵬翎五具 射香

管縣五 雁門 繁疇 五臺 唐林 崞縣

雁門縣上郭開元

本漢廣武縣地屬太原郡後漢改屬雁門郡開皇三年罷
郡縣仍屬肆州後改肆州為代州縣屬不改十八年改廣
武縣為雁門縣蓋避太子諱也國朝因之

夏屋山在縣東北三十五里史記曰趙襄子北登夏屋誘
代王使厨人操銅斗擊殺之遂有代地

句注山一名西陘山在縣西北三十里晉咸寧元年句注碑
曰蓋北方之險有盧龍飛狐句注為之首天下之阻所以

分別外內也漢高祖欲伐匈奴不從蒞敬之說戒繫於廣武遂踰句注困於平城謂此地也

河神祠在縣南開元九年并州長史張說奏置

繁峙縣中西至州六十里開元戶一千五百九十三 鄉五

本漢舊縣屬雁門郡漢末匈奴侵寇舊縣荒廢晉又置繁

峙周省隋開皇十八年重置於今縣東六十里大僅成

大業十二年移於武州城聖歷二年以縣在平川難以固

守遂東移于今理其城三面枕澗東接峻岌極為險固

秦戲山一名武夫山在縣東南九十里滹沱水出焉

五臺縣中西北至州一百二十里開元戶二千一百六十五 鄉四

五臺山縣北東一百四十里道經以為紫府山內經以為

清涼山

慮流水在縣十五里

唐林縣中東北至州一百十里

本漢廣武縣地證聖元年分五臺崞二縣置武延縣唐隆

元年改為唐林縣

滹沱水在縣東

沙河在縣南一里

崞縣中東北至開元戶二千七百四十八

州五十里

鄉五

本漢舊縣因山為名屬雁門郡漢末荒廢晉初又置魏改為崞山縣後魏宣武帝移雁門郡理此開皇十年移平寇縣于此屬代州大業二年改為崞縣

溥洹水在縣東二百步

蔚州興唐

開元戶四千八百八十七
元和戶一千五百六十三

鄉十一
鄉十二

禹貢冀州之域虞及周屬并州周禮并州川曰滹夷浸曰涑易今滹夷在雲上涑易在飛狐皆在州境春秋時其地屬晉戰國時屬趙襄子殺代王有其地後武靈王置雲中雁

門代郡秦亦為代郡漢元年項羽徙趙王歇為代王二年

陳餘迎歇還趙歇又立餘為代王三年韓信斬陳餘置代

郡領縣十八東魏孝靜帝又於此置北靈邱郡周宣帝于

今理置蔚州大業三年罷州置雁門郡武德四年平劉武

周重置蔚州

州境東西南北

八到

西南至上都二十里
南至東都一百三十里
東至妣州界孔嶺一百里
東南至易州路三百六十里
東南至定州取轆轤山路四百九十里
東南至恒州取方泰嶺路四百九十里

貢賦

開元
貢賦
熊皮
豹尾
賦
麻布

管縣三

興唐

靈邱

飛狐

興唐縣下郭

開元戶一千四百七十二

御四

本靈邱縣也開元十二年於州東北一百三十里橫野軍于城南置安邊縣屬蔚州天寶元年改為安邊郡仍自靈邱移州理于安邊城至德二年改為興唐郡仍改安邊縣為興唐縣

倒刺山在縣東七十里亦號雪山俗傳靈仙居所與五臺山略等

滙夷河亦曰瓠瓠河上槽狹下流澗有似瓠瓠因名大韭多生於山野及平大韭魏孝文所種以濟軍頃後沃壤處皆長三尺葉廣于馬蘭但味少短耳

橫野軍置在州城內

靈邱縣

中下東北至州一百三十里

開元戶二千四百二十一 編五

本漢舊縣屬代郡後漢省秦魏孝靜帝重置屬靈邱郡隋開皇三年罷郡縣屬蔚州大業二年省蔚州改屬代州隋末陷賦武德六年又置靈邱縣屬蔚州

太白山在縣南十里山有鍾乳穴其深不測仰望穴中乳如懸穗焉

石銘陘嶺在縣西北八十里上有石銘題言冀州北界故謂之石銘陘

隘門山亦曰隘口在縣東南十五里壁立直上層崖刺天

有古道極險隘後魏明元帝置義倉之所

漚夷水一名滙水出縣西北高是山周禮曰并州具川漚夷謂此也

茲水出縣西枝迴山懸河五丈湍激之聲響動山谷樵枻之士咸由比度巨木淪渚久乃方出或落崖石無不粉碎開皇長城西自繁時縣經縣北七十里東入飛狐縣界

趙武靈王墓在縣東三十里

飛狐縣

下西至州一百五十里

本漢廣昌縣地屬代郡後漢屬中山國晉又屬代郡開皇三年改屬蔚州仁壽九年改為飛狐縣因縣北飛狐口為

名也隋末隋賊武德六年重置寄理今易州遂城縣界遙屬州貞觀五年移還今所

磨笄山在縣東北一百五十里趙襄子姊為代王夫人襄子既殺代王迎其姊夫人曰以弟慢夫非仁也以夫怨弟非義也磨笄自刎百姓閔之為立祠

倒刺山在縣東北一百二十里出佳大黃

飛狐道在縣北入媯州懷戎縣界即古飛狐口也酈食其說漢三曰杜白馬之津塞飛狐之口此言皆一方之阨也又劉琨自代出飛狐口奔于安次亦謂此道也

三河治舊置鑪鑄錢至德已後廢元和七年中書侍郎平

章事李吉甫奏臣訪聞飛狐縣三河沿銅山約數十里銅
鑛至多去飛狐錢坊二十五里兩處同用拒馬河水以水
斛銷銅北方諸處鑄錢人土絕省所以平日三河沿置四
十鑪鑄錢舊跡並存事堪覆實今但得錢本令本道應接
人夫三年以來其事即立救河東困竭之弊成易定援接
之形制置一成久長獲利詔從之其年六月起工至十月
置五鑪鑄錢每歲鑄成一萬八千貫時朝廷新收易定河
東道久用鐵錢人不堪弊至是俱受利焉

朔州馬邑

開元戶六千三十
元和戶七百廿九

御十三
知十六

禹貢冀州之域虞及周為拜州之地春秋時為北狄地戰

國時屬趙秦為雁門郡地在漢即雁門郡之馬邑縣也史
記曰匈奴圍韓王信于馬邑信降匈奴按馬邑即今州理
是也漢末大亂郡遂荒廢建安中曹公又立馬邑縣屬新
興郡晉改屬雁門郡晉亂其地為猗盧所據劉琨表盧為
大單于封代公徙馬邑後魏都代地屬畿內孝文遷洛之
後又於定襄故城置朔州葛榮之亂州郡又廢高齊文宣
帝又于馬邑城置朔州即今理是也武成帝置北道行臺
周武帝置朔州總管開皇罷總管大業三年罷州為馬邑
郡皇朝改為朔州
州境東西四百八十里
南北九十七里

代郡今州即秦雁門郡地在漢雁門郡之平城縣也史記
曰漢七年韓王信亡走匈奴上自將遂至平城為匈奴
所圍用陳平秘計得出是也漢末大亂匈奴侵邊自定襄
以西雲中雁門西河遂寧曹公鳩集荒散又立平城縣屬
新興郡晉又改屬雁門晉亂劉琨表封猗廆為代王都平
城後魏道武帝又於此建都東至上谷軍都關西至河南
至中山隘門塞北至五原地方千里以為甸服孝文帝改為
司州收置代戶孝文遷都洛邑改置恒州孝昌之際亂離尤甚恒
代之北盡為印墟高齊文宣天保七年置恒安鎮徙豪傑三千
家以實之今名東州城其年廢鎮又置恒州周武平齊州郡

並廢又于其所置恒安鎮屬朔州自周迄隋仍為鎮也隋
亂臨賊武德四年平劉武周置北恒州七年廢貞觀十四
年自朔州北界定襄城移雲州及定襄縣于此後為默啜

所破移百姓于朔州開元十八年復置雲州及雲中縣

州境東西一百七十七里

八到西南至上都一千九百六十里

東至幽州七百里

東至清塞城一百二十里

東至天城軍六十里

東至納降守捉九十里與幽州分界

西至靜邊軍一百八十里

西南至太原府七百里

貢賦開元 貢 鷓鴣五具

管縣一

雲中

雲中縣中本漢平城縣屬雁門郡漢末大亂其地遂空魏武帝又立平城縣屬新興郡晉改屬雁門郡後魏于此建都屬代郡孝文改代郡為恒州縣屬不改隋為雲內縣屬馬邑郡貞觀十四年朔州北界定襄城移于此後為默啜所破移百姓至朔州開元十八年改置雲中縣屬雲州

白登山在縣東北三十里

火山在縣西五里山有火井深不見底以草投之則煙騰火發有火井祠

紇真山在縣東三十里虜語紇真漢言三十里其山夏積雪霜

單于臺在縣西北四十餘里漢武帝元封元年勒兵十八萬騎出長城北登單于臺即此也

